

Mvù Pôl mé bò Yeésò bò ké Rôm

Bèh bieê

¹ Né mè Pôl, nùà seê Yeésò *Kristò; mè né cu nuaá mé Càṅ lé balé weéh naâ ye te mè ṅa mbòṅ tebê nyî, à jege haá mè Njàgà Bagaà seèn beè, ye mè a, ndé sè yòṅ seè ndò.

² Càṅ lo naâ ndéb ter kwa kwaá, à tueé keéh sònò bò sòn-seèn bò ye nyî nde né Njàgà Bagaà sâ cie sòm keéh; bó lé naâ te mvù nyagá kwaá ndò.

³ Né Njàgà Bagaà felè Njuna seèn, Fehtoò beèh Yeésò Kristò. À né *ndùté ndùtù Davîd kèb dé nùàr.

⁴ Kèb dé Cúcuî, à né Njuna Càṅ. Càṅ lé bú sie kwaá naâ kóó; à lé naâ bú te cio komo sòm te feh keéh mé terrebe mene ye, né Njuna nyî.

⁵ Mè fùgò beè Càṅ hên kuú né mé yilí seèn; mè mbòṅ tebê seèn ṅa né mé njéh ndò. Càṅ ye mè a: ndé ju seèn ké lètenè bò nùàr mé gèh hihiné tueé bele, te bó kwaá njií lom temé cén yoòr seèn, bó ṅgweé sòn seèn, yilí seèn ṅgulí mé njéh.

⁶ À jue né mé bí bò Rôm bò mene, Càṅ lé naâ bí yilá, te bí ṅa bò nùàr Yeésò Kristò mân.

⁷ Mè hên nyagá njií né mé bí bò Rôm bò, bí bòó mé temé Càṅ né yoòr bìi dɔ́ṅ, à lé naâ bí yilá, te bí den bò nùàr seèn. Càṅ Tele beèh bô Fehtoò beèh Yeésò Kristò a, kúlú bí, bó haá bí dólê.

Pôl gwaán né ké Rôm ndeê

⁸ Mè jògò felè bìi ðóòŋ vra logó née Càn ye; mè né bú jomo Yeésò Kristò vra keéh. Lòu sam, bí né temé yoòr Yeésò *Nùà Còŋ kwaá njií, ngóg bìi né wón ðóòŋ ngulí ndeé.

⁹ Bú Càn mé feh seèn né gi kóó, ye mè tueé né gècên, bú mé mè né seé seèn mé temé mò mene bóó, mè né Njàgà Bagaà felè Njuna seèn se doò: à né kóó ye mè né yeé nyí felè bìi cu ðóòŋ dua den.

¹⁰ Mè né bú dua, ye bú a, mé húóm-temé seèn, à há mè lón mé be seèn, te mè ndeé ké yoòr bìi ma.

¹¹ Wanóòŋ mè né mé tuaá bìi kela, mè ndeé né bí gà seé Cúcuí Càn feh, te bí kwa nyegé terreb mé njéh.

¹² Mè tétég gwaán né ké lètenè bìi deèn, te yo taré mè, taré bí, te yo taré gi béh bí felè temé cên mé béh né yoòr Càn kwaá njií hèn ðóòŋ.

¹³ Belà, mè ye te bí kó ye, cu ðóòŋ mè né gò ké yoòr bìi gwaán sòó, mè lón kwà ngwéh lòu. Mè ye te seé mò wa tàb ké lètenè bìi, faá né lètenè bò nùàr lè tàbè déi waá ndeé nɔ.

¹⁴ Kó mè né ménâ bèh ðóòŋ bóó ndeé; seé mò né cí. Né mene lètenè bòó mé cer yeé lo, mé ya dueé mene; lètenè bò kógòn bò mé bò cùr mene, kó mè né ménâ bóó.

¹⁵ Mè gwaán né mé Njàgà Bagaà ké Rôm lètenè bìi se waá dé cí.

Terreb Njàgà Bagaà

¹⁶ Mè tueé bí, Njàgà Bagaà né mè yoòr sagár: à né mé terreb Càn yoòr, te à yili som bòó mé né

temé yoòr Yeésò *Kristò kwaá njií; duoòm né mé bò Jùf, nde mé bòò mé Jùf sam.

¹⁷ Mò né mân, sâ Njàgà Bagaà né seé Càn cie feh kwaá; à feh kwaá né nùàr gèh dé mé Càn nde né bú nùà dilí teèn yilá keéh. Gèh dé sâ né lom temé yoòr Yeésò Kristò kwaá njií, ceér déi toò sam cuú. Né te mvù Cànne ménâ nyagá den ndò, ye: «Nuaá mé ña né nùà dilí beè Càn mé temé cén yoòr seèn kwaá njií doón, kwa nde né yòñ kóó.»

Nùàr mé ju yoòr

¹⁸ Bí kóó ye, Càn ké te vulúu baá bèsonè feh kwaá, ye nyí né mé yúlá-temé felè veèn hihiné mé bò nùàr né boó doô; bó né bò seé vevenê boòn hèllè boó, bó né gècèn nyí mé njéh doó dobó baré njií, bó nyí vèh cú.

¹⁹ Kèkènè seé Càn mé bó sé naâ Càn mé njéh ñené kóó, Càn né mene bó bèsonè mé feh seèn feh keéh, mé njéh mene bó ñené kó ñgwéh.

²⁰ Á sâ, bèh lo mé Càn lo síí naâ wón, bó mene bú mé njolo ñené ñgwéh, kèkènè seé seèn né yeé cie ñené ñagá, ye né Càn terrèb, Càn ndeèr ma. Mò bó mân gwàn ñgwéh, sâ bó mé sòn toò seèn sam ndò.

²¹ Bó né mene Càn ñené kóó, bó bú sén ñgwéh, bó bú vrà ñgwéh faá bó sé naâ bú vra ye à né Càn. Yeé baá môn, bó duoóm baá-re lòu munó ndegé seêr, bó né te cibi ndugó faán ndeé.

²² Wa bó né bò kó-ñjèh bò sé wa, sâ kùlù mé bó lo jueè ceré né bó.

²³ Bó lòò né gùm Càn Ndeèr Nùà *sùsùm duaà, bó nde cècàn bɔ́ kwaá, bó dua seér cí; bò déi fela né nùàr, mé né ká lè wónje wàn mbaá; bò déi fela né non, bò déi fela nyam, bò déi sàb; dɔ́ɔ́n bó né gi bó dua ndualé gɔ.

²⁴ Yeé baá mân, Càn sɔm be seèn yoòr bɔ̀n ndɔ, te bó teré yila kɔ te núlu, faá bó né gwaán sâ nɔ, te bò dé kàn mé dé kân loró den mé fegùli yoòr ndɔ.

²⁵ Bó bɔ̀n naâ gècên Càn kwaá lòó, bó gwaán seér nyeén. Càn mé lo síí naâ njèh dɔ́ɔ́n, bó né bú kwaá lòó, bó né njií mé à lo síí naâ lòu dua seér. Ngweéh bó sé la dua seér né bú wa? È môn.

²⁶ Càn yeé ñene aá ménâ, à sɔm be yoòr bɔ̀n ndɔ, te bó loró kwaá nyegé bò njèh fegùli sâ mé njèh yoòr bagasé. Bò véh bɔ̀n nde né mé feh bɔ̀n kweéh seér: bó bò síí kɔ́ cèr ndé cú, bò véh cer seér nde aá bò mbaábɔn kɔ́.

²⁷ Bò síí gwàn ndé cú bò véh ceèr ndɔ, tuaá sie seér nde aá bó mé bò síí mbaábɔn ceèr. Bò nùàr mân bɔ́ sabé gɔ né te bò dé kàn mé dé kân loró le gi léláj fegùli, bó tulu su dùkàn yoòr mé be bɔ̀n; né sòn veên mé bó né bɔ́ gɔ sâ.

²⁸ Bó yeé berón baá Càn ménâ, Càn sɔm be yoòr bɔ̀n ndɔ, à kwaá lo bó mé lo mapelím bɔ̀n sâ, te bó bɔ́ seér njií mé bó sé lé bó ná ñgwèh.

²⁹ Yeé baá ménâ, bó gela den baá-re mé gèh veên hihiné lè dedeí ndɔ: dene gogobô o, temé te njèh nùàre kwaá njií o, jéré-temé o, huer o,

wúlá-feh o, jógó o, tánágá o, jélá-temé o, doón né seé boòn. Bó né sòn tuagá sar go,

³⁰ bó né bò njèh vevenê lètenè boòn yoòr tueé su kuú, bó né Càṅ bunó, bó né bò mbaáboṅ selé, bó né feh ham, bó né punó, bó né bò veên dé fefeê munó foón go, bó sòn bò tele mé bò meí ṅwé cú ndo.

³¹ Bó baá gi mé ndòn kukuû mân, bó faá bó tueé kwaá yeé no bó wá cú, bó baá gi bò maṅwan, bó jere bò mbaáboṅ kó cú.

³² Bó né gi ndéb Càṅ kóó nyegé, ye bòó mé né gi gèh bò njíí hèn boó wa, sàgà boòn né yeé cio ma. Bó né mene mân kóó, mé njéh mene bó né cu boó ṅeí. Nuaá mé né lòu boó sabé seér doón, bó vela seér cu bú be lòu.

2

Bèh ju tená

¹ Mo né mân, sâ wò nuaá mé né ju felè bò mbeí tená go doô, wò né mene neì, wò né beè ndo. Wò yeé ju felè bò mbeí tena né kóó. Wò yeé tena gi aá, wò né cu ménâ boó taré, sâ ju wò siè ndé ṅwéh wa?

² Béh né kóó ye, bòó mé né veên faá bèh ménâ boó, Càṅ ju felè boòn tena lom yeé jéjég.

³ Sâ, wò nuaá mé né ju felè bò déi tená sâ, wò né munó ye nyí nde né ju beè Càṅ mvelé wa? Ngweéh seé yeé né taré cí mà.

⁴ Mè tueé wò, wò né sèṅ mé bó-bagaà Càṅ seb, wò né húóm-temé seèn seb ndo. Wò kó ṅwéh

ye Càn nyí bagaà ménâ boó den né, te cieé déi nyí kweéh seér dene nyí wa?

⁵ Kòcò, tanḡwan temê mé kwéh sér bèh. Wò meì bò gèr felè yeè mé be yeè nyegé kwaá baá kèn. Loù mé ḡá-temé Càn nde né bèsónè yuo kelá, à nde né ju jéjêḡ tená, ju nde né wò sie.

⁶ À sàgà nùà kàn mé nùà kân loù sâ gwom nde né mé seé seèn.

⁷ Bòó mé né be mé seé bagaà kwaá njií, ye bó né ḡùlù Càn kela, wa bó gwaán né nùàr beè Càn ḡaâ, te bó kwa yòḡ tètàgà doò, yòḡ tètàgà loù sâ kwa nde né bó.

⁸ Dé bò taáb bò seèn, à yúlá-temé seèn tieé su njií nde né yoòr boòn. Né bò dúágá-tie bò mé né ceér gècên kwaá loó, bó sabé bele seér bò njèh vevenê doò.

⁹ Mé bò vevenê bò doón, bó meì bò gèr loù sâ ḡene nde né fî. Duóóm nde né yoòr bò *Jûf, jomo sâ yoòr bòó mé Jûf sam.

¹⁰ Dé bò bebagaà bò, Càn nde né bó faá nùàr no weh kwaá, à yíí njií bó te ḡùlù seène, à haá bó dole. Duóóm nde né yoòr bò Jûf, jomo sâ bòó mé Jûf sam ndo.

¹¹ Lòù sam, Càn dé seèn nùàr lòù gèi bèh.

¹² Bòó mé lé naá ḡii veèn boó, mé *sóú Músi kó ḡwéh doón, bó ju boòn mé sóú Músi tená ndé ḡwéh; dé boòn veèn boòn sie nde né bó koó. Bòó mé lé naá veèn mé sóú Músi lè boó doón, bó ju boòn tena nde né mé sóú Músi ndo.

¹³ Lòù sam, mo nùàr nde né nùà dilí beè Càn ḡaá, ko à sóú jolo komo mé ḡum mene, dèn

ngwéh mé sóú mbaá ngweé faáŋ njií.

¹⁴ Mò bòó mé Jûf sam né sóú mbaá jolo weh, bó kó ngwéh ye né sóú Músi, sâ bó né gi feh keéh ye sóú sâ né bó lè húóme.

¹⁵ Sâ bó teèn ménâ feh keéh né ye, njií mé sóú né taga doô né lè bɔ̀n nyagá den ndɔ ma. Ndòn bɔ̀n tueé den baá-re bó ménâ ndɔ; cu déi né bó lòu ki seér, cu déi à den seèn nɔ́ŋ.

¹⁶ Bí kóó ye, lòu mé Càŋ kwaá lo nde né ju beè Yeésò *Kristò teèn, bò njií hên dɔ́ŋ nde gií né cie ŋené yuo kelâ, ŋené yuo kela nde né faá Njàgà Bagaà sònò mò hên tueé den nê nɔ. Lòu sâ Càŋ ju tena nde né mé felè bò njií mé né lè nùàr leér den mene.

*Bò *Jûf bó bò *sóú Músi*

¹⁷ Wò nùà Jûf dé yeè, yilí yeè né Jûf, wò né gi sóú kɔ́ó, wò yieé né mé njéh, wò ŋueé mé njéh, yo yeè né gi mé yilí Càŋ sagár.

¹⁸ Njií mé Càŋ gwaán nê dɔ́ŋ, wò né gi kɔ́ó, sóú né gi wò feh, te wò ŋene kɔ njèh bebagaà.

¹⁹ Wò ye, wò né bò tácugó ceér feh, wa wò né ŋagâ toò bò cibi bò ndɔ;

²⁰ wò ye nyí bóó dilí né bò cùr ceér kɔ́ó, wa nyí né bò huaán tetɔ̀r njèh feh, te bó ŋene kɔ ceér Càŋ. Ngweéh wò ye mé sóú sâ nyí kɔ́gón gi aá, nyí baá gi mé gècèn teèn wa?

²¹ Sâ kè cú-re! Wò nuaá mé né bò déi feh hèllè, kei mé bóó wò yeè gùm yeè nùà njèh teèn fèh kék ngwéh wa? Wò ye bò nùàr a: té yíb njúób; wò dé yeè ŋuɔb né dé kei wa?

²² Wò ye bò nùàr a: té yàgà ndé; wò dé yeè yàgà nde né dé kei wa? Wò ye bò nùàr a: cècàn

duaà né lom ve. Bóó né naàn mé wò né lè mò bòn yilá ndeé, wò né njèh teèn kema wa?

²³ Wò né sagár nyegé ye nyí né mé sóú Càṅ lè, wò kó ṅgwéh ye, nyí né bú lòu kwaá seér wa? Wò sé yeé baá méménâ bóó, ṅgweéh sâ wò bóó gulí né Càṅ nùà njèh wa?

²⁴ Né te mvù Càṅe môn nyagá den ndo, ye:
«Bò nùàr yilí Càṅ hèn dɔ́ṅ bóó beéh keéh né mé yìè bìì bò Jùf.»

²⁵ Bí ṅgwé mè tueé bí felè *ṅgór ṅɔ̀b. Mò bí né sóú jolo komo, sâ ṅgór ṅɔ̀b né njèh gàm. Mò bí né sóú kwaá, sâ mò bí ṅɔ̀b mene ṅgór, bí nées den ka faá kurú nɔ.

²⁶ Cu sâ ndo, mò kurú déi né dé seèn sóú jolo kɔ́, sâ Càṅ bú faá nuaá mé ṅɔ̀b aá ṅgór nɔ yilá ndé ṅgwéh wa?

²⁷ Mè tueé bí, nuaá mé né sóú jolo kɔ́, bó mene bú ṅgór ṅɔ̀b ṅgwéh, nde né wò mé ju sie, wò nuaá mé sóú jòlò kòmò ṅgwéh hèllè. Wò né mene mé sóú yeé sâ beè, bó ṅɔ̀b mene wò ṅgór, ju nde né wò sie den.

²⁸ Mè tueé wò, nùà Jùf dé gècèn, bó bú te léláṅ mvum njolò ṅéné lòm ṅgwéh. *ṅgór ṅɔ̀b gí cégé ṅgwéh mé ṅṅàṅ yòòr mbaá ṅɔ̀b kuú ndo.

²⁹ Nùà Jùf dé gècèn né seér nuaá mé né Jùf yí lè, à dé seèn ṅgór ṅɔ̀b seér né temé seèn. Gèh ṅgór dé sâ Cúcuí Càṅ ṅɔ̀b né bú kɔ́, dèn ṅgwéh sóú mé bó nyagá né lòu. Nùà Jùf dé gècèn sâ, Càṅ seén nde né bú kɔ́ ndo, dèn ṅgwéh nùàr.

3

¹ Á sâ, mè né mene *Júf, né cu gam wa? Ngór ñoób né cu njeré déi gam ndo wa?

² Gàmm né lom ñgún mbaá. Lòu sam, Càñ lé ñgòr seèn haá kwaá naâ beè bò Júf.

³ Á, mo lètenè boòn bò déi teèn dili ñgwéh ño, sâ béh tueé nde né naàn? Sâ Càñ dé seèn dilisé dèn ndé cú wa?

⁴ Ndóg, dé sâ seèn môn bó ndé ñgwéh! Dé Càñ, à njebá taré lom nde né te gècên seèn-e tég, gwaán bò nùàr a dèn jí léláñ bò nyeén bò. Né faá bó nyagá kwaá né te mvù Càñe ño, ye: «Gwàn dé mé wò den nùà njêñ faá wò tueé nê ño; mo bò nùàr ye te ju sie wò, te wò yogó bó.»

⁵ Mo veèn mé béh né boó hên feh seér cu né koó, ye bò nùàr a: Càñ né dé seèn Nùà gècên, sâ béh sònò tueé cu nde né kei wa? Mo béh né veèn boó, Càñ béh gèr feh keéh né mé njéh, sâ bí ye Càñ teèn bó yí ñgwéh wa? Bò nùàr né ye mân bie seér; mè jue né cí.

⁶ Mè tueé bí, Càñ boó yíí né teèn. Mo sam, à sé la ju felè wôn tena né naàn wa?

⁷ Mo nyeén beèh hèllè feh den né ka gècên Càñ koó, te gam bò nùàr, bó seèn nyegé Càñ mé njéh, sâ Càñ seèn béh mé ju sie cu nde né dé kei?

⁸ Á sâ, kei mé yíin cu nde né béh veèn boó koó ndo wa? Sâ béh júée ye: béh bó lòm veèn boó, nde né dé bagaà sâ ñaá seér. Bò déi né mè yoòr tueé kwaá, ye mè né yeé môn tueé sé wa. Kwá ñoóñ, Càñ nde né bó gèr feh keéh, à bó feh keéh nde né faá seé boòn tueé nê ño.

Nei né sòm nùà dilì kóó?

⁹ Mɔ né mân, béh bò *Jûf, béh né cu bò nuaré déi yɔgɔ wa? Ndóg! Mè la naá gi tueé ñagá ye: né mene Jûf, mene Jûf sam, ðóón bó né gi kwer veên ma.

¹⁰ Né te mvù Cànɛ môn nyagá den ndɔ, ye:
«Nuaá mé né sòm nùà dilì, ndóg teèn sam.

¹¹ Nuaá mé né ñgweé kóó, teèn sam.

Nuaá mé né Càn fɔón, teèn sam ndɔ.

¹² Bó sabé nde gi aá bèh dàbe, bó toò leér le gi aá kèn.

Ndóg nuaá mé né seé bagaà bóó, né mene cén tà cén, teèn yùò kélá ñgwêh.

¹³ Bó né gi mé tɔgɔ lɔɱ faá sà lòòɱ nɔ;

bó né mé leba fèfà;

ñgòr né lom bó sònò faá ndièm sàb nɔ faám yuo ndɔ.

¹⁴ Sòn den né bó beè faá nó nɔ,
né lom léláj ñjèh duagâ.

¹⁵ Tètèi sam, bó baá feh wulá.

¹⁶ Bèh mé bó né kelá ðóón,

bó né dùkàɱ bô gèr teèn we su lóó.

¹⁷ Bó ceér ðólê ñéné kó ñgwéh.

¹⁸ Bó Càn vèh bèh ndɔ.»

¹⁹ Béh né kóó ye ñjii mé mvù sòu né tueé ðóón, à tueé ñjii né mé bòó mé né ka sòu. Mɔ né ménâ, sâ nuaá mé nde né Càn tueé ye bú a, nyí ceér kó ñgwéh teèn sam; te dààm bò nùàr wón ðóón die gi ju beè seèn ndɔ.

²⁰ Nùàr a, jòlò kó mene sóú gèh dé heè, Càṅ bú nùà dilí ké toò seèn mé njéh yílá ndé ṅgwéh. Sóú feh lom né dé seèn dé feèh, ye nùàr a: wò né mé veèn yoòr ma.

Naàn mé Càṅ nde né nùàr yili sòm

²¹ Kènê ceér dé feè ṅené yuo kelà baá cie kèn; né ceér mé béh ṅa gi nde né bò didilí bò beè Càṅ mé njéh. Ceér bú sâ dé seèn jomo sóú kélá sér ṅgwéh. Mvù sóú bó bò *sòn-Càṅ bò lé naâ toò mân tueé taré ndo, ye:

²² Càṅ bò nùàr ké toò seèn bò didilí bò yilá lom né mé temé yoòr Yeésò *Kristò kwaá njiî. Bòò mé né temé yoòr seèn kwaá njiî doón, à né gi bó yilá, à dé seèn mé gwèn sam, nùàr doón né gi beè seèn kèi cén.

²³ Nùàr doón naá gi veèn boó. Yeé baá ménâ, bó kwarè Càṅ *sùsùm dèn cú.

²⁴ Càṅ yeé ṅene cu aá môn, à yili sòm bó mé Yeésò Kristò, à sie seér bó bò didilí bò mé húóm-temé seèn, dé lòu ndo.

²⁵ Càṅ lé sòm kwaá naâ Yeésò faá njèh *sèmè nɔ, te à kuú sòn beèh, te à yaga sòm béh veèn yoòr mé húóm seèn. Càṅ ceér bú hèn feh keéh né mé bòò mé né temé yoòr Yeésò Kristò kwaá njiî, te bò nùàr ṅene ko, ye nyí né Càṅ mé né dilísé. Bòò mé lé naâ veèn léi toò boó, à lé bó gèr mé njéh fèh kèh ná ṅgwéh,

²⁶ à lé yolo seér naâ dé yolô. Dé kènê à feh keéh né bèsóònè ye: nyí né Càṅ mé né dilísé ma, te bó

ɲene kɔ ye bɔ́ mé né temé yoòr Yeésò kwaá njií dɔ́ɔ́ɲ, nyí né bó bɔ́ didilí bɔ́ sie seér ndo ma.

²⁷ Sâ kènê bɔ́ nùàr né cu mé ceér púnò déi toò teèn wa? Dé sâ ndóg! Càn béh bɔ́ didilí bɔ́ yilá né felè temé cén mé béh né yoòr Yeésò kwaá njií doò; dèn ɲgwéh mé sóú beleè.

²⁸ Béh kɔ né ye Càn nùàr nùà dilí ké toò seèn yilá lom né mé temé seèn yoòr Yeésò kwaá njií, dèn ɲgwéh mé sóú bele komoò;

²⁹ wanɔ́ɔ́ɲ sâ Càn sé la gi lom né dé bɔ́ Jûf, à sé la dé bɔ́ nuaré déi ná cú. Mè tueé bí, Càn né Càn, à né dé bɔ́ nùàr dɔ́ɔ́ɲ,

³⁰ Càn Dueè né lom cén, sâ gi aá. Mɔ́ bɔ́ Jûf né temé yoòr Yeésò kwaá njií, sâ à nde né bó bɔ́ didilí bɔ́ ké toò seèn yilá. Nde cu né mé bɔ́ mé Jûf sam ménâ ndo; mɔ́ bó né gi temé kwaá njií taré, à nde né bó bɔ́ didilí bɔ́ ké toò seèn yilá ndo.

³¹ Á sâ, sóú nɔ́? Mɔ́ béh baá temé yoòr Yeésò kwaá njií, sâ béh ye, sóú njeré déi gàm cú wa? Môn sam; béh né kɔ́ ye, sóú né mé bèh seê dé seèn teèn.

4

Faá Abrahâm nɔ́

¹ Béh felè Abrahâm tele beèh léi jògò tueé nde né naàn wa? À lé beè Càn kwaá naâ kei wa?

² Mɔ́ Abrahâm sé beè Càn nùà dilí ɲaà naâ mé seé seèn, à sé naâ mé lón toò Càn punô teèn. Á, lé seèn môn ná ɲgwêh, sâ à mé lón toò Càn punô sam gùm dɔ́ɔ́ɲ.

³ Te mvù Cànge né bèsónè nyagá den ye: «Abrahâm lé naâ temé cén yoòr Càn kwaá njií; Càn lé bú nùà dilí yilá naâ mé njéh.»

⁴ Béh né kóó ye nùà seê nde né sàgà seé seèn kwa; dé sâ dé lòu sam, né ka sàgà seê.

⁵ Dé nuaá mé né ndèm mé Càn kwaá njií, ye Càn né ju felè bò vevenê bò mé jere mene tená, à seé bó ná ngwèh doón, Càn nde né temé mé à né yoòr seèn kwaá njií doô ñené, à bú nùà dilí yilá nde né mé njéh.

⁶ *Davíd lé tueé naâ felè gèh nùà bú sâ, ye:

⁷ «Samésé né bòó mé Càn kulu sòm gi aá bó veên yoòr kèn!

Bó lé naá menè *sóú kwaá,
à lé naâ dèh doó kulú njií.

⁸ Samésé né nuaá mé Nùà Dueè veên seèn lè siè kwá ngwéh ndo!»

⁹ Á sâ, gèh samésê bú hèn gi lom né dé bòó mé naâ *ngór ñóób wa? À dé bò kurú sam wa? Mè tueé bí, né mé bò kurú mene. Béh la naâ jògò tueé ye, Càn lo Abrahâm nùà dilí yilá naâ mé temé yoòr seèn kwaá njií.

¹⁰ Á sâ, lo naâ heèh wa? Lo naâ sâ bó ñob gi aá Abrahâm ngór wa, sâ bó née bú ñób ngwéeh ye wa? Mè tueé bí, lo naâ sâ bó née bú ngór ñób ngwéeh ye, te jomo sâ bó nde ye bú ñóób den.

¹¹ Bó lo ndeè Abrahâm ngór ñóób, sâ baá gi ká jomo mbaá, te feh keéh lòu, ye Càn lo bú nùà dilí yilá naâ mé temé seèn yoòr seèn kwaá njií, sâ bó née bú ngór ñób ngwéeh ye ma. Yeé baá

ménâ, Abrahâm ña tele bòó mé né gi temé yoòr Càn kwaá njií ndo, bó mene bó ñgór ñób ñgwéh; Càn ye bó né gi bò didilí bò beè nyí ma.

¹² Abrahâm né cu tele bòó mé ñob gi aá ñgór kèn ménâ ndo. Njèh cén, ko bó né temé cén yoòr Càn faá Abrahâm no kwaá njií. Lòu sam, tele beèh Abrahâm lé naâ temé yoòr Càn kwaá njií, te bó nde ye bú ñgór ñób.

Bó ndéb Càn kwa né mé temé kwaá njií

¹³ Càn lo kwa kwaá naâ Abrahâm bó bò nduté ndütù seèn ndéb tieè, ye bó a: ñgúlú boòn nde né wón dón ma. Càn lo ndéb sâ kwá ná ñgwèh ye Abrahâm né *sóu bele komo. Á lé ndéb kwa njií seér naâ felè temé mé Abrahâm lé kwaá njií naâ yoòr seèn, à ña nùà dilí mé njèh doô.

¹⁴ Mo ñgúlú sé kwa cegé né bòó mé né sóu jolo kóó, ñgweéh sâ temé mé béh né yoòr Càn kwaá njií hèn sé né dé lòu, ndéb Càn sé né njèh mbaâ ndo mà.

¹⁵ Bí kóó ye, sóu boó yeé kóó, te temé ñaá Càn lè, ye bò nùàr jéjég faá sóu tueé nê no, bèlè bèh. Á sâ, mo sóu teèn sam, bó nde né sóu kwaá wa?

¹⁶ Càn lé ndéb kwa kwaá naâ felè temé yoòr seèn kwaá njií, te ñgúlú sâ ña njií mé nyí haá né dé lòu, te den njèh gàm dé bò nduté ndütù Abrahâm dón; dèn cegé ñgwéh dé bòó mé né sóu bele kóô, te ña dé bòó mé kwaá njií né temé yoòr Càn faá Abrahâm no. Lòu sam, Abrahâm né tele beèh, béh dón,

¹⁷ faá né te mvù Cànɛ nyagá den nɔ, ye:
«Mè sie kwaá baá wò tele cìlì nùàr ngùn.»

À né tele beèh ké toò Cànɛ, Nuaá mé à lé kwaá njií naâ temé yoòr seèn doô; né Cànɛ mé komo sòm yeé bò komó te cio kɔó. Bò njií mé lé teèn ná ngwêh doón à lé si gii naâ bó kɔó ndo.

¹⁸ Mɔ lo den mene beè Abrahâm faá à ndéb Cànɛ kwà ndé cú, mé njéh mene à lé naá loôm temé cén yoòr Cànɛ kwaá njií. Yeé baá mân, à ɲa baá-re tele cìlì nùàr ngùn faá Cànɛ lé tueé naâ nɔ; sâ Cànɛ lé ye bú a:

«Bòɲ bò ndùté ndùtù yeè maga nde né mân.»

¹⁹ Abrahâm lé baá gi mene nyè mà yuií, à né mene ɲené kɔó ye yo nyí baá gi faá komó nɔ, à né mene kɔó ye Sará né ɲiín, mé njéh mene à lé yúá ná ngwêh,

²⁰ à lé temé yoòr Cànɛ sòm nyi ná ngwêh gùm doón, à ndéb mé Cànɛ lé kwa kwaá naâ bú tieè doô sà n ngwéh ndo; à kwaá njií ɲeí seér cu temé yoòr Cànɛ dé kwaâ, à né bú teèn seèn yií.

²¹ À lé naá gii kɔó nyegé, ye Cànɛ né lom mé terreb teèn, à nde né faá à lé tueé naâ nɔ bó komo.

²² Cànɛ lé bú nùà dilí beè seèn yilá kuú naâ dé cì.

²³ Njií mé bó nyagá kwaá né ye: Cànɛ yilá baá bú nùà dilí beè seèn hèn, bó dé seèn nyàgà lòm ngwéh.

²⁴ Bó nyagá kuú né dé beèh, te béh ko ye, Cànɛ nde né béh bò didilí bò yilá ndo. Kɔ béh né temé yoòr seèn kwaá njií, ye à lé naâ Fehtoò beèh Yeésò lè cio komo sòm, sâ ye.

²⁵ À lé te cio yila kuú naâ felè veên beèh. À yeé kuú aá, à komo yuo cuù lè cio, ye te béh ña gi bò didilí bò ké toò Càn mé nyí ma.

5

Còn pèb njua Yeésò

¹ Sâ tueé né ye, béh lé bò didilí bò beè Càn ñaà naâ mé temé beèh yoòr seèn kwaá njií. Yeé baá ménâ, kènê lètenè beèh, béh bò Càn, baá lom aá còn felè Fehtoò beèh Yeésò *Kristò.

² Yeésò mé béh né temé yoòr seèn kwaá njií hên feh keéh né béh ceér koó, te béh nde ye te fùgò Càn den yilá. Kènê béh njebá taré lom né teèn mé vógó-temé mene tég, ndèm beèh doón né gi sâ, ye béh nde né ñgúlú Càn yieé.

³ Dé koó baá cu ye-re dé hên: sâ temé béh sagár gi cu né mé dà m gèr mene ndo. Lòu sam, béh né koó ye gèr ñenê né yeé béh ñhè yolô maán feh.

⁴ Dé yolô, ñar né dé jolô; dé jolô ñar dé seèn ndèm.

⁵ Ndèm sâ béh mbaá pó ló bèh. Lòu sam, Càn lè beèh kulu yíi kwaá gi né dà m bò gwaân seèn doón; à béh kulu né mé seé Cúcuí Naga seèn yoòr beèh.

⁶ Né môn, cu sâ béh lé mé terreb yoòr ná ñgwêh, Kristò lé kuú naâ sòn bò jéré-temé bò koó, à lé kuú naâ te cu mé Càn lé nyegé kwaá naâ sâ ndo.

⁷ Sâ, sé né mene nùà dilí dé heè, nuaré déi sé cio seèn ña wèh ná ñgwêh. Kò ñgweéh nuaré

dèi nde né-re dé seèn temé sie, à ña weh cio nùà bagaà dèi wa?

⁸ Mè tueé bí, hên baá bèh mé Càn feh keéh né gèh dé mé à né lom béh gwaán teèn: béh né mene lélan veên, Kristò né lom cio beèh méná ñáá weh.

⁹ Béh bò didilí bò ké toò Càn ña né mé húóm seèn. Yeé baá mân, béh kò nyegé baá ndò, ye béh nde né mé bú yili yuo, te ju béh beè Càn siè cú.

¹⁰ Wanóón béh lé naá gii bò bònò Càn bò. Mé njéh mene, à béh weh nyogó njií cu aá yoòr seèn mé cio Nuna seèn. Sé tagá kènê mé béh bò bònò bò seèn sam cú wa? Nuna seèn mé baá cu làn béh yili sòm ndé ñgwéh wa?

¹¹ Te dé koò dèi cu ye-re ndò: vógó-temé dé koò sagár njií né béh mé Càn nùà njèh. Sâ né gi felè Fehtoò beèh Yeésò Kristò, bú nuaá mé lé nyogó bilí naá béh bò Càn.

*Ádàm mé Yeésò *Kristò*

¹² Veên lé ndeè naá ká te wónje yilá doón, yìè lé naá mé nùà cén, Ádàm; yeé baá môn, veên sâ ñar cio ndò. Cio yila baá-re bò nùàr doón sie keéh. Lòu sam, bó doón lé naá gii veên bóó.

¹³ Né môn; mé Càn lo nde Músi *sóú beè haá kwaá, sâ veên lé baá gii ká te wónje kaá den. Njèh cén, sóú lé teèn ná ñgwéh. Bó né mene veên bóó, sóú mé Càn nde né bó mé njéh sie lé teèn ná ñgwéh.

¹⁴ Mé njéh mene, cio lé naá felè bò nùàr ñgumó. Yuoò lè nàm Ádàm, nde ba mé nàm

Músi, cio lé naâ bò nùàr seé weh. Bòó mé lo mene sòn Càn faá Ádàm nɔ ɲén ná ɲgwêh dɔ́ɔ́ɲ, cio lo naá giì bó teèn kumó keéh.

Ádàm lé sâ deén naâ faá nuaá mé ndeé né waâ nɔ.

¹⁵ Njèh cén, seé bɔ̀ɔ̀n lé kèi cén ná ɲgwêh. Béh fùgò Càn mé veên Ádàm mè ndé ɲgwéh. Nùàr ɲgún lé naá giì mé yìè veên nùà cén hèllè kuú. Dé fùgò Càn môn sam, à gam seér né béh dé seèn lòu. Nùà ɲgún kuú gi né mé fùgò felè nùà cén ndɔ. Nùà cén sâ né lom Yeésò Kristò.

¹⁶ Sàgà mé Càn haá yeé dé lòu né dé seèn hiín, dèn ɲgwéh faá sàgà veên nùà cén-tà-cén hèllè nɔ. Veên mé nùà cén sâ lé naâ bɔ́ɔ́ doó sɔm aá sàgà kèn: nùàr kókoó mbaá yila gi aá ju beè Càn mé njéh. Sàgà dé fùgò Càn môn sam; bò nùàr lé né mene dà m bò veên toò Càn ménâ bɔ́ɔ́ seér, mé njéh mene Càn né bó teèn dé lòu huaár sɔm seér.

¹⁷ Mé gècèn mene, cio lé naâ bò nùàr felè ɲgumó. Mé yìè veên nùà cén hèllè, dà m bò nùàr lé naá giì be te cio yí keéh. Mé Yeésò Kristò cén mé huún seèn né ménâ ndɔ: dà m beèh mé né fùgò beè Càn kuú, mé Càn né béh bò didilí bò beè seèn yilá dɔ́ɔ́ɲ, béh nde gi né yòɲ tètàgà felè Yeésò Kristò kwa, te béh ɲa gi bò huaán.

¹⁸ Gèh dé mé veên nùà cén Ádàm hèllè né nùàr dɔ́ɔ́ɲ te ju tulu yí hèn, seé gècèn mé Yeésò Kristò mé huún seèn lé naâ toò Càn bɔ́ɔ́ dilí dɔ́ɔ́ɲ, nde né bò nùàr ɲgún ju yoòr ménâ huaár sɔm gií, te bó kwa yòɲ.

¹⁹ Gèh dé mé bò nùàr dɔ́ɔ́ɲ ɲa gi né bò vevenê bò felè nùà dúágá-tièè cén doô, nùàr ɲgún ɲa gi

nde né bò didilí bò ké toò Càn felè nùà ηgwé-tieè cén ménâ ndò.

²⁰ Dé sòù, à kar yilà né dé te veên bò nùàr maga seér dé magaà. Njèh cén, bí kóó ye, bèh mé veên né teèn silí, sâ húóm-temé Càn teèn maga kela seér cu kóó ndò.

²¹ Mè tueé bí: gèh dé mé veên lé naâ felè bò nùàr cer, tulu yíí bó lè cio doô, fùgò Càn cer né felè beèh ménâ, te béh den bò didilí bò beè Càn, béh kwa yòη tètàgà beè seèn. Dé sâ né mé njua Fehtoò beèh Yeésò Kristò.

6

Beè veên béh né komó, mé Yeésò béh né làn

¹ Á hèn, béh ye naàn wa? Sâ béh bó ndé dèn ká mé veên bòò, huóm kela né cí, te béh kuú ye mé fùgò Càn wa?

² Dé sâ tí ndôg! Beè veên béh teèn sam, béh baá nòóη faá komó nò; béh lò nyimé naâ heèh, te béh yíla cu veên wa?

³ Bí kó ηgwéh ye, béh bòó mé lé naá gii nòmò Càn te yilí Yeésò kou, béh lé sâ kou bilí naâ mé cio seèn mene wa?

⁴ Te nòmò Càn sâ, béh bó lé kuú bilí naâ teèn dóóη, bó lé bú furú bilí naâ mé béh mene ndò, te Tele beèh Càn komo sòm cuù béh te cio, faá à lé komo sòóm naâ *Kristò mé terreb seèn nò, te kènê béh kwa seér yòη dé feè, béh teèn njebá lom aá tég.

⁵ Lòu sam, béh bó lé kuú bilí naâ kóó. Mò né mân, sâ Càn nde né béh te cio faá bú nò komo sòm ndò.

⁶ Béh kó nyégé dé hên kòò, ye: mé bó lé ndeè bú ké te toû fagá, sâ bó lé faga bilí naâ mé béh mene; mè jue né gùm beèh dé cuùm, te gùm beèh dé veên sâ vuaán yuo dé seèn, béh kwer veên dèn cú.

⁷ Lòu sam, mo nùàr kuú baá, sâ veên felè seèn ngúmó ndé cú.

⁸ Mo béh bò Kristò lé naâ kóó kuú bilí, sâ béh né kóó ye, béh bó nde cu né làn yili den.

⁹ Béh né gi kóó ye, bèh lo mé Kristò lo komo yuoó naâ te cio, à ndeè cio déi kú ngwé ndé cú; cio mé terreb felè seèn sam cuú ndo.

¹⁰ Á lé mbei cén sâ kuú naâ sòn veên bò nùàr, te veên terreb kwà cú. Yeé baá ménâ, à mé yòn den lom aá dé Càṅ.

¹¹ Bí né faá bèh ménâ ndo: bí kóó ye, beè veên, bí baá wóṅ faá komó nɔ; bí baá seér bò lèlàn bò yoòr Yeésò Kristò, te bí den lom dé Càṅ.

¹² Mo né mân, sâ veên a, té felè bìi ngúmó cú, wanwóṅ sâ yo bìi dé wàn hên nde né bí te veéne tuan yíi.

¹³ Gà déi yoòr bìi a, té veên kèrà, wanwóṅ sâ nde né njèh seè seèn ṅaá. Mo ye te huom, bí kwá ló gùm bìi beè Càṅ; ṅgweéh à lé naâ bí te cio komo som mà. Bí bó bílí seé seèn mé gùm bìi mene dɔṅ ndo; te bí den gi bò njèh seè dé didilí beè seèn.

¹⁴ Bí té gwàn mé veên cer felè bìi kóó. Bí ka sòu sam cuú, bí baá dé bìi beè Càṅ, bí ka seèn kuú seér né fùgò.

Kwer lè gècéne

15 Sâ baá cu-re kei wa? Kènê, mo béh ka sòu sam cuú, béh baá beè Càn fùgò kuú seér, sâ béh bó bá veên mbaá wa? Dé sâ tí ndôg!

16 Bí né gi kóó nyegé ye, mo bí né ka nuaré déi seé seèn bóó, bí né sòn seèn ngweé, sâ bí né bò kwer nùà sâ. Né fà: cén né dé kwer veên ñaá te bí yila te cio; déi né dé tie ngweê, te bí ña bò didilí bò toò Càn.

17 Ngweéh né mân wa: léi toò bí lé naá gii kwer veên; kènê bí lè baá seér mé ndéb Càn, faá bó lé naá bí feh no. Béh né Càn mé njéh vra dé gècên.

18 Bí te yuii veên huar yuo aá kèn, bí kènê baá seér te ceér gècéne.

19 Mè bí mé kwer ká lè wónje me njií né, te bí ngweé komo, wanónj bí né bò yuyuaâ bò kela. Léi toò bí lé naá gii seé vevenê bóó, bí né lom te núlu teré ndeé. Kènê bí té ménâ gwàn cú, bí bó sér á seé didilí te bí ña bò ñenagâ bò mé gùm mene.

20 Léi mé bí lé naá kwer veên sâ, gècên lé mé terre felè biì ná ngwêh, bí lé naá seêr mé feh biì.

21 Bí lé naá njeré déi te seé fúarè hèllè kwa wa? Ngweéh kènê bí baá mé njéh lòu gulí seér wa? Bí kó ngwéh ye, né lom seé cioò wa?

22 Càn mé ñgeér sam. Yeé baá kènê, à huar som bí yuii veên sâ yoòr, te bí seé bóó seér dé seèn. Gam kela né cí, te bí den ñagásé, bí kwa yòn tètàgà beè seèn ndo.

23 Bí kóó ye, sàgà veên né cio; njií mé Càn haá né mé húóm-temé seèn né yòn tètàgà, dé lòu ndo. À béh mân haá kuú né felè Fehtoò beèh Yeésò Kristò.

7

Kàn felè ma gwà

¹ Bò nùàr mò, bí né gi *sóú kɔ́. Sâ njií mé mè nde né bí tueé hên, bí nde gi né kɔ́ ye sóú né lom mé terreb felè nùàr, cu mé nùà sâ né làŋ.

² Né faá dene gwà ndɔ nɔ: ma vêh gwòm jolo lom né cu mé si née mé njolo ye. Mɔ si kuú baá, sâ à baá mé feh lɔŋ, sóú gwòm bɔ̀n doô gi aá ndɔ.

³ Mɔ ma sâ nde jɔgɔ ser siíb déi mé si née ká jomo mé njolo, sâ ma sâ cum aá gwòm. Á, mɔ si kuú né lòu, sâ à baá mé feh lɔŋ; mɔ à jɔgɔ cu mene siíb déi, sâ à gwòm cùm ɲgwéh.

⁴ Né felè bìi faá bèh ménâ ndɔ, bò nùàr mò. Bí né kènê toò sóú faá komó nɔ, sóú mé terreb felè bìi sam cuú. Yeésò *Kristò lé naâ bí yoòr seèn nùà njèh nyɔgɔ njií. Bí kènê baá gi beè seèn, bú nuaá mé lé naâ te cio komo yuo. À lé sâ ye te béh bí wa gi tàb ké toò Càn dɔ́ŋ ndɔ.

⁵ Léi toò, cu mé béh lé belé naâ ceér dé beèh nùà njèh, tuaá lé seé lè beèh bɔ́ loóm naâ kɔ́; né-re béh ɲaáŋ, né tàb waá, né béh te cio kulu su yií. Sâ sóú soób né béh kɔ́.

⁶ Dé kènê môn sam cuú; sóú mé lé naâ béh sie loó sâ, béh ka seèn mvelé yuo aá kèn, béh baá gi komó toò seèn. Kènê béh bɔ́ seér nde aá seé dé feê mé Cúcuí Naga feh né béh kɔ́, te béh den lom bò seé bò Càn. Sóú dé lo toò mé bó lé nyagá naâ mé be hèllè, béh ka seèn sam cuú.

**Sóú mé seé seèn*

⁷ Á sâ, kènê béh tueé nde aá naàn wa? Sóú né njèh veên wa? Tí ndôg! Mé njéh mene, sóú feh keéh né mè veên mò kɔ́. Mɔ sóú sé túé ná ngwêh ye: té temé te njèh nùàr kwá nji, mè sé njéné kó ná ngwêh ye, temé te njèh nùàr kwaá njií né jolo.

⁸ Sóú yeé baá mân tueé, veên kwa keéh baá-re ceér teèn ndɔ: à ngela lom né te bèh joloò doô tég, te à kulu su keéh mè tuaá hihiné yoòr teèn. Sâ tueé né ye, mɔ sóú sé teèn ná ngwêh, veên sé né komó mbaá ndɔ.

⁹ Léi toò mè lé sóú kó ná ngwêh, mè lé naá beéh njií mò làn. Sóú yeé waà baá, veên njéné yuo kelà cie ndɔ, à ngumo yila mè yoòr.

¹⁰ Yeé baá ménâ, mè cúg ndɔ. Sóú mé sé la naâ mè lòu yili sɔm hèllè mè yili sòm cú, derré yí seér aá mè lè cio.

¹¹ Lòu sam, veên kwa baá ceér, à né lom te sóú tétég ngelá yilá, à né mè bele, à mè wula seér né mé sóú.

¹² Mɔ né mân, sâ sóú mé feh seèn né ñagásé, sâ bèh joloò né ñagá dilí huɔóm ndɔ.

¹³ Á sâ, dé bagaà jògò baá cu aá yìe ciòò mò kɔ́ wa, né kei? Dé sâ, tí ndôg! Veên né lom ka yìe ciòò mò kɔ́. À njéné ñagá lom aá yoòr mò mé terreɓ veên seèn doô mene; à mè wula sɔm cu né mé njèh bagaà jògò hèllè, te bò nùàr njene kɔ teèn, ye veên né núlú. Mɔ né mân, sâ njua sóù ndɔ.

Veên baá nùàr doró

14 Béh né gi kɔ́ ye sóú lé yuoó naâ beè Càŋ, à né ŋagásé tɔ́ŋ. Dé mò, môn sam, mè né lom nuàr mbaá, mè né kwer veên ndɔ.

15 Mè né njeré déi bɔ́, mè be seê mò ŋgwé kòmò bèh: mè njèh bagaà faá mè né gwaán nɔ, bó kòmò ŋgwéh, mè bɔ́ seér cu né njií mé temé mò né yeé bar.

16 Njií mé temé mò né yeé bar hèllè, mɔ mè baá cí bɔ́, mè né teèn ŋené kɔ́ ye sóú né njèh bagaà bòn.

17 Mɔ né mân, sâ mè seé veên doô mé be mò bó ŋgwéh, né veên mé né yoòr mò bɔ́ den né mè ménâ kɔ́.

18 Lòu sam, mè né ŋené kɔ́, ye mè mé bagaà yoòr sam; mè jue né yo mò dé mé húóm né teèn hèn. Wanɔ́ŋ mè né gi mene seé bagaà gwaán, mè bó kòmò ŋgwéh nɔ.

19 Mè njèh bagaà faá mè né gwaán nɔ, bó kòmò ŋgwéh. Veên mé mè né bar hèllè, mè né seér cí bɔ́.

20 Mɔ mè bɔ́ seér né veên mé mè kɔ́ gwàn ŋgwéh ménâ, sâ mè sam, né veên mé né yoòr mò hèllè bɔ́ den né mè ménâ kɔ́.

21 Á sâ môn ndɔ, kènê mè ŋene kɔ baá kèkènè bú sâ kèn. Né faá bèh mân: mɔ mè nde aá bagaà bɔ́, mè bɔ́ komo seér veên.

22 Temé mò né lom mé sóú Càŋ sagár dé gècên.

23 Mé njèh mene, sóú dé hiîn née cu ka seé ká yoòr mò bɔ́ ye. À né sóú dé Càŋ seé ká lè mò weh den. À né-re ménâ bɔ́, à né mè te veéne sie kwaá den.

24 Mè jamé aá kèn! Yo hên né mè te cio tulu njií. Te neí mè teèn tulu som nde né kóó?

25 Môn, Càᅇ mé ᅇgeér sam ndo, mè nde né mé Fehtoò beèh Yeésò *Kristò yili yuo.

Yeé baá mé sóú veên hèllè ménâ bóó, ᅇᅇᅇ yoòr mò gwaán lom baá-re dé seèn mé njéh bóó ndeê ndo. Né mene môn, temé mò gwaán seér né sóú dé Càᅇ.

8

Yòᅇ dé feê mé Cúcuí ᅇᅇᅇ

1 Sâ mo né mân, sâ kènê, bóó mé nyogó den né yoòr Yeésò *Kristò, dé bòn mé ju felè sam cuú.

2 Lòu sam, Cúcuí Càᅇ mé né yòᅇ tètàgà haá, né mè nùà Yeésò Kristò beè yaám sie, à huar som aá mè yuií veên mé yuií cioò yoòr kèn.

3 Càᅇ hên bóó né njií mé sé bóó mene naàn, *sóú Músì sé lé bó kòmò ná ᅇᅇᅇ. Lòu sam, nùàr léláj seèn sóú jòlò kòmò bèh. Né dé cí mé Càᅇ lé tema njií naâ ᅇᅇᅇ seèn nùà njèh ká lè wóᅇ mé yo dé nùàr yoòr faá nùà veên no, te à kuú weh cio beèh, ju tené.

4 Càᅇ lé ménâ bóó naâ, ye te béh den lom dilisé, faá sóú nyí tueé nê no. Mo né mân, sâ béh mé terreb dé ᅇᅇᅇ yoòr dèn cú, béh yoòr baá seér mé terreb dé Cúcuí ᅇᅇᅇ.

5 Lòu sam, bóó mé den né dene dé ᅇᅇᅇ yoòr, taáj lom né njií mé ᅇᅇᅇ yoòr gwaán nê. Bóó mé den né dene dé Cúcuí ᅇᅇᅇ dé bòn taáj né njií mé Cúcuí ᅇᅇᅇ gwaán nê ndo.

⁶ Nuaá mé né dé ngàṅ yoòr taáṅ, bele né ceér cioò; dé mé taáṅ né dé Cúcuí Nḡgâ, bele né dé seèn ceér dé yòṅ, à né pónḡ.

⁷ Bòó mé taáṅ lom né dé bòn bòn nḡh dé ngàṅ yoòr sâ dónḡ né gi bòn bòn Càn bòn; bó sóú Càn bèlè ngwéh. Dé sâ bóó mene seèn naàn, bó bòn môn bèlè kòmò ndé ngwéh ndò.

⁸ Bòó mé den né dene dé ngàṅ yoòr sâ dónḡ, ceér mé bó nde né Càn yoòr yilá nyi teèn sam.

⁹ Dé bìi môn sam, bí te ceér dé ngàṅ yoòr bìi sam; bí dé bìi bele né ceér Cúcuí Càn. Ngweéh à baá gi bí yoòr mà. Nuaá mé Cúcuí Kristò bú yoòr sam, nùà Kristò sam ndò.

¹⁰ Mò Kristò né yoòr bìi teèn bòn, yo bìi la né gi mene komó mé yìe veèn, bí kóó ye, Cúcuí né dé seèn yoòr bìi làṅ njua mé Càn lé naá gi bí bòn didilí bòn toò seèn sie kwaá.

¹¹ Mò Cúcuí Càn né yoòr bìi teèn, bú Càn mé lé naâ Yeésò te cio komo sòm, nde né bòn komó bìi te cio ménâ komo sòm gi ndò; à ménâ dónḡ bóó gi né mé Cúcuí seèn mé né yoòr bìi doò.

¹² Mò né mân, sâ bòn nùà mò, béh bí né mé hùà yoòr. Gèh hùà dé sâ né ye: kò béh gò faá Cúcuí Nḡgâ tueé nê nò, dèn ngwéh faá ngàṅ yoòr beèh tueé né kóó.

¹³ Mò bí né faá ngàṅ yoòr bìi gwaán nê nò bóó, sâ bí nde né te cio yilá kuú ndò. Á, mò bí gùm bìi dónḡ kwaá lò né beè Cúcuí Nḡgâ, te à nyimé sòm bí veèn yoòr, sâ bí nde né làṅ yili den.

¹⁴ Bòó mé Cúcuí Càn feh né bó ceér kóó dónḡ né gi bòn nḡnà Càn.

¹⁵ Lòu sam, Cúcuí mé né yoòr biì doô bí kwer siè kwá cú, à bí veéh lè yí ndé cú ndo; à dé seèn né Cúcuí mé boó né te bí ña seér bò ñunà Càn dé ñaâ, à béh terreb haá né kóó, te béh nde ye Càn fela, ye bú a: «Tele mò eè!»

¹⁶ Cúcuí Càn mé feh seèn né lè beèh tueé den, ye béh né gi bò ñunà Càn.

¹⁷ Béh baá gi bò ñunà Càn sâ bòn. Mo né mân, béh nde né ñgúlú Càn yieé. Béh bò Kristò ñgúlú sâ yieé nde né kóó. Lòu sam, béh bó gèr ñene né doón; mo né mân, sâ béh bó te ñgùlù seèn yila gi nde né doón ndo.

Ngùlù Càn mé né béh kela

¹⁸ Mè né bagasé kóó nyegé ye, béh nde né tànòr ñgùlù Càn lòu sâ mé njolo ñené ñagá, sâ béh né mene gèr cafanê ñené doón, béh mé njéh tán ndé ñgwéh, béh njolo ke lom né mé ñgùlù Càn.

¹⁹ Cieé mé Càn nde né bò ñuna seèn cie teèn ñené som keéh sâ, *wón doón né lom cieé bú sâ gaán.

²⁰ Wón hèllè lo baá wèllè kela ndo. Mé njéh mene, à lo kóó gwàn ná ñgwéh, né seé Càn. À lo kwaá lòè naâ bú teèn lòu. Mé njéh mene, ndèm né lom cu doón kwaá den ye:

²¹ cieé déi wón gùm doón nde né ka ciòò te yuif kwer-e huaár yuo, à kwa terreb dé koò beè Càn faá bò ñunà Càn no.

²² Béh né kɔ́ ye, wa hên, wón gùm dɔ́n née den ka gèr ñené ye, à né lom faá ma nyeèr nɔ cuané den.

²³ Mè tueé bí ndɔ, wón mé huún gí lòm ñgwéh; né mé béh mene. Càn lé béh Cúcuí Ñagâ haá logó naâ faá jèrè* nɔ; béh né kukuñ lè beèh cuané kela den, ye te Càn kweéh seér lom béh gùm dɔ́n, béh ña gi bò ñuna seèn, à horó sɔm béh gèr yoòr dé kèi cên ndɔ.

²⁴ Béh né gi kɔ́ ye béh yili yuo gi aá kèn; mé ñjéh mene, née te ndèm ye. Njii mé nùàr né ndèm teèn kwaá njii dɔ́n, mɔ à baá gi mé njolo ñené, à ndèm sâ mbaá kwá dèn ndé cú. Á sâ, nuaá mé naá gi njeré dèi ñené, nde cu né ndèm kwaá den wa?

²⁵ Béh dé beèh ndèm kwaá njii né te njii mé béh née mé njolo ñené ñgwéeh ye. Mɔ béh baá ménâ kwaá njii ndɔ, sâ béh señ kela den né lòu.

²⁶ Yeé baá ménâ, Cúcuí Ñagâ waà, à né béh gam; wanɔ́n béh né bò yuyuaâ bò kela, béh Càn teèn dùà yí bèh. Né Cúcuí Ñagâ mé feh seèn dua den né Càn sòn beèh kɔ́, à Càn bɔñ lom né dé tueé komoò sam.

²⁷ Càn dé seèn né gi temé ñené; njii mé Cúcuí Ñagâ né bú dua sâ, à né ñgwéé kɔ́. Lòu sam, Cúcuí Ñagâ Càn felè bò Yeésò bò dua lom né faá Càn gwaán nê nɔ.

²⁸ Béh né gi kɔ́ ye, bòó mé né Càn gwaán dɔ́n, à ñjéh dɔ́n bòó gi né te gam seér bó lòu. Né bòó mé à lé yilá kwaá naâ beè seèn, faá à lo nyegé kwaá naâ nɔ.

8:23 8:23 2 Kɔr. 5:2-4

* **8:23 8:23** Waà né feh; dé jomò baá

ndeé.

29 À lo naá giù bó jògò balé kwaá, lo naâ mé kàgà-ndòn seèn ndo, ye te bó we Huaán nyí, te Huaán nyí den bei dàm bò òm seèn doón ma.

30 Bòó mé Càṅ lé naâ ndòn felè bòn kagá sâ, à bó yilá bilí gi aá kèn; à bó bò didilí bò ké toò seèn sie seér gi aá kèn ndo. Bò sâ bò baá gi dé bòn ké toò Càṅ tàbè dobo.

Tàṅṅòr gwaân Càṅ

31 Sâ béh nde né mân tueé yógó kééh cuú wa? Mò Càṅ né jomo beèh, nèi bunó cu nde né béh kóó wa?

32 Mò Càṅ Nuna seèn lòu gágá ṅgwéh, à né seér bú felè beèh lòu semé, sé tagá bò njèh dé jomò wa? Mè tueé bí, à nde né béh njèh doón mé Nuna seèn mene haá bilí.

33 Á sâ, bòó mé Càṅ lé naâ balé sòm sâ, nèi bó toò juú sií komo nde né kóó wa? Ndóg nuaré déi mé terreb teèn sam. Càṅ nùà njèh tueé naâ kóó, ye bó né beè nyí dilísé ma.

34 Á sâ, nèi bó mé ju si nde né kóó? Ndóg, nuaré déi mé terreb teèn sam. Yeésò Kristò lé naâ kuú, à lé naâ te cio komo yuo, kènê à baá ké te be gaá Càṅ; à né Càṅ felè beèh dua den.

35 Á sâ, nuaré déi nde né béh bò Kristò geé sòm, te Kristò béh gwàn cú wa? Nde né gèr feh hihiné wa? Nde né bònò wa? Nde né cùè mé saám wa? Nde né òkàn mé cio wa?

36 Mè tueé bí, né te mvù Càṅ nyagá den, ye: «Béh cio cieé doón hèn lím soó né felè yeè.

Béh den né beè bò nùàr faá mbieè mé bó nde né ṅóób no.»

³⁷ Mé njéh mene, béh né gi bò gèr sâ dɔ́ŋ mé terreb Yeésò Kristò yɔ́gɔ́, njua mé temé seèn né yoòr beèh.

³⁸ Sâ mè né lom kɔ́ nyegé, ye njeré déi Yeésò yín kòmò ndé ɲgwéh ye bú a: té béh gwàn. Né mene cio, né mene yòŋ, né mene bò cìlì Càn, né mene bò njèh tetarè ké te vulúu, bó bú yín kòmò ndé ɲgwéh. Né mene kènê, né mene loró déi,

³⁹ né mene bò terreb dé ké teèr, né mene bò terreb dé ká doô, bó bú yín kòmò ndé ɲgwéh. Né mene lètenè bò njií mé Càn si giì naâ dɔ́ŋ, njeré déi béh bò Càn gè kòmò ndé cú, ye bú a, té béh gwàn. Càn béh gwaân seèn yoòr Fehtoò beèh Yeésò Kristò feh keéh gi aá kèn.

9

*Càn bó bò huaán *Iserála*

¹⁻² Mè tueé bí, mè nùà Yeésò *Kristò, mè nyeén túé ɲgwéh: temé mò ká lè yili gi aá kèn, né lom mè yulá faá cí nɔ. Ndòn mò né ménâ tueé, Cúcuí Ɲagâ né mè ménâ tueé ndɔ, ye mè a, nyeén sam.

³ Sâ tueé né ye, mɔ ceér sé né teèn, huɔm kela né mé Càn sé duagá kɔ̀ naâ mè lòù, mè geé kɔ̀ mé ceér Kristò, te gèh bò nùàr mò yili yuo seér kɔ́.

⁴ Bó né bò ndùté ndùtù Iserála; Càn ye, né bò ɲuna nyî, wa terreb nyî ɲené yuo kela ndeè né lètenè bòn ma; à lé naâ ɲgòn hihiné mé bó kɔ, à sou kwaá bó *sóú seèn tieè, à feh bó ceér mé bó nde né bú teèn dua, à kwa kwaá bó ndéb tieè ndɔ.

⁵ Abrahâm bó bò ñuna seèn né bò jògò bò boòn. Cu mé *Nùà Còṅ lé naâ nùàr mé húóm yoòr ñaá, bó lé bú ñaár naâ lè gèh boòn sâ ndo. Felè ñjèh doón né cegé bú Càn Nùà ñjèh. Kùsèm bú a, líe dèn ménâ cu doón. Môn.

⁶ Mè túé ṅgwéh ndo, ye ndéb Càn tueé keéh né doó. Môn sam, à tueé yíí né teèn; wanóṅ bòó mé né te gèh bò Iserálà bò doón, kèb cén né cegé bò gècèn bò koó.

⁷ Sâ tueé né ye, te bòn bò nduté ndùtù Abrahâm bò huaán seèn dé gècèn né cegé kèb cén ndo. Càn lé naá gií tueé ye Abrahâm a: beè nyí bò nduté ndùtù seèn gi cegé nde né te gèh Isâk ma.

⁸ Sâ tueé né ye, bò ñuna Càn bò huaán mé bó né mbembaá ñar go doô, sam; bò ñuna seèn gi cegé né bò huaán nùà ñjèh mé ndéb Càn né teèn yilá.

⁹ Càn lé ndéb sâ kwa kwaá naâ ye, mo cu wulu baá, nyí ndeè né cuû, te Sará ñar kwa huaán ma.

¹⁰ Cí gí lòm ṅgwéh ndo: Rèbékà, veèh Isâk tele beèh dé koô, lé naâ feh ñar kwa.

¹¹⁻¹² Sâ Càn nyegé kwaá gi aá felè bò huaán fà sâ kèn, ye Rèbékà a: Bei nde né ka òm den seér ma. Càn lo nde ménâ nyegé kwaá, sâ bó fà doón, òm nées veèn bó ṅgwéeh ye, sâ bó lo nées bó ñar ṅgwéeh ye ndo. À lé ménâ boó seér naâ, ye te bò nùàr ñene ko teèn, ye nyí ñjèh doón boó né mé kàgà-ndòn nyí ma. Nyí nùàr balé weh lom

né faá nyí gwaán nê nɔ, nyí mé seé seèn táŋ só bèh.

¹³ Den né faá né te mvù Cànɛ nyagá den nɔ, ye: «Mè geí weh né Jakôb, mè si lo Esayû.»

¹⁴ Á sâ, kènê béh tueé nde né naàn? Sâ Càn bɔ́ gobó seér cu né lòu wa? Dé sâ tí ndôg!

¹⁵ Bí né kɔ́ ye, Càn lé tueé naâ mé Músi, ye bú a: Mɔ nyí gwaán né nuaré déi jere kɔ́, nyí nde né bú jere kɔ́ ma. Mɔ nyí nde né nuaré déi bagaà bɔ́, nyí nde né bú bɔ́ ndɔ.

¹⁶ Mɔ né mân, dé sâ beè nuaré déi sam, dé lòu legeè sam ndɔ; né lom beè Càn kó-jerè nùàr njèh.

¹⁷ Né cu te mvù Cànɛ nyagá den faá Càn lé tueé njí naâ mé mgbè Ejíptò nɔ, ye bú a: Nyí wò mgbè síe kwaá né ye te be terrèb nyí ñené yuo kelà yoòr yeè, te yilí nyí ñgulí nde wón dɔ́ŋ.

¹⁸ Sâ tueé né ye, mɔ Càn né gwaán, à kɔ nùàr jere; mɔ à né gwaán, à ñgwan sɔm bú temé lè ndɔ.

Nùà mé-sɔ̀

¹⁹ Merré déi nuaré déi nde né bieé ye mè a: mɔ né mân, sâ Càn mé bò nùàr bie le cu né dé keì wa? Mɔ Càn baá njèh mé temé seèn bɔ́, nèi taré komo nde né kɔ́ wa?

²⁰ Mɔ né mân ndɔ, sâ nùàr mò, wò né nèi, mé né Càn ndugó wa? Sɔ̀ né yeé mé nùà mé-sɔ̀ bieé njí ye bú a: wò nyí mân me kwaá naâ dé keì wa?

²¹ Bí kɔ́ ye, mɔ nùà mé-sɔ̀ tie gi aá màr kèn, à nde né màr sâ faá à gwaán nê nɔ kɔb geé, à

mé déi me soò dé nyàgàm, à mé kèb déi me lom soò.

²² Mo né mân, sâ nuaré déi nde né sòn mé Càn komo nyi wa? À gwaán né bò nùàr yúlá-temé seèn feh keéh, à feh keéh bó be terrèb seèn ndo. Mé njéh mene, bòó mé à sé naâ bó mé yúlá-temé sâ wulá som gií, à bó yolo seér cu né lòu.

²³ À lé sâ gwaán naâ, ye te be terrèb nyí ñené yuo kelà cie lètenè bòó mé nyí lé naá gií jògò nyegé kwaá, ye nyí nde né bó jere kóó, te bó yila te ñgùlù nyí.

²⁴ Né béh. À lé naâ béh bò dé seèn yilá kwaá. Lètenè bò *Júf gí lòm ñgwéh, né cu mé bò déi lètenè gèh bò nùàr hihiné mene.

²⁵ À te mvù Hosê tueé ñagá né môn ndo, ye:
«Bòó mé lé bò nùàr nyí ná ñgwêh,
nyí bò nùàr nyí yilá nde né bó;
lò nùàr mé nyí lé naâ bunó,
nyí bò yíé-temé bò nyí yilá nde né bó ndo.

²⁶ Bèh mé nyí lé ye bó nùàr nyí sam doónj,
nyí yilá nde né bó bò ñuna nyí kó bèh sâ,
jue nyí Càn làn.»

²⁷ Kèb déi, Esáyà lé naâ ké ter felè bò *Iserálà bò môn logó njií ndo, ye:

«Gwaán dàmm bò Iserálà bò a:
màgà yógó mbésebé nòmò koò,
ngób yili yuo lom nde né lètenè bòn kóó.

²⁸ Lòu sam, Nùà Dueè gwaán lom aá ju dé kèi cên felè wôn tenâ.»

²⁹ Esáyà lé naá cuù déi ménâ tueé kwaá ndo, ye:

«Mo Càṅ terrèb sé ndùté ndùtù kèb déi mé be téná ló ná ṅgwêh,
mè tueé bí, béh sé naá gii faá *Sódom nɔ tɔb yuo,
béh bò *Gomôr sé baá kèi cén ndɔ.»

**Iserála mé Njàgà Bagaà*

³⁰ Sâ ye naàn wee? Sâ ye, bòò mé *Jûf sam, mé lé ceér fón ná ṅgwêh te bó ṅa bò didilí bò beè Càṅ dɔɔṅ, Càṅ bò didilí bò ké toò seèn yilá seér cu aá bó. À bó ménâ yilá né felè temé mé bó né yoòr seèn kwaá njií doô.

³¹ Dé dàm bò Iserála bò môn sam. Bó dé bɔ̀n bele né *sóú te bó ṅa bò didilí bò beè Càṅ mé njéh, bó née dé bɔ̀n bèh sâ wá ṅgwéeh ye.

³² Bó teèn wá ṅgwéh dé kei wa? Mè tueé bí, bó temé mé Càṅ kwá njií ṅgwéh, ye te bó ṅa bò didilí bò toò seèn mé njéh, bó ndèm kwaá seér né mé seé bɔ̀n, ye bó bò didilí bò toò Càṅ ṅa nde né mé njéh. Yeé baá ménâ, bó ceén baá-re te taá cén-gulè ndɔ.

³³ Te mvù Càṅe né môn nyagá den ndɔ, ye:
«Mè komo kwaá tena baá taá cén-gulè ké Siyôn,*
né kweéh dièb.
Nuaá mé né temé yoòr seèn kwaá njií dɔɔṅ,
à bú dé seèn pó ló ndé ṅgwéh.»

10

¹ Bò nùàr mò, mè né lom Càṅ felè bò *Jûf dua, ye te bó yili yuo. Né lom mè yoòr yilá dé gècèn.

² Mè ṅene bó né lom te seé Càṅe faá cí nɔ bɔ̀gɔ. Njèh cén, bó seér ṅgwé kòmò ṅgwéh;

9:33 9:33 Es. 28:16 * **9:33 9:33** Siyôn né yilí Jerúsalem déi (1 Chr. 11:4-5).

³ wanoónj ceér mé Càn yilá né bò nùàr bò didilí bò mé njéh, bó bòn ngwé kó ngwéh nɔ. Bó yeé ngwé kó cú ménâ, bó yila baá-re ceér mé feh bòn fón gòò, ye te bó den beè Càn dilisé mé njéh. Yeé baá ménâ, ceér mé Càn sé né bó bò didilí bò mé njéh yilá, bó teèn ngwan seér cu baá-re lòu ndɔ.

⁴ Á sâ, *Kristò lé *sóú Músi te bèh denè seèn ngoró kwaá gi aá kèn ndɔ, ye te bòó mé kwaá njií seér né temé yoòr nyí dónj, ña seér bò didilí bò beè Càn kóó.

Càn dé bò nùàr dónj

⁵ Ceér sóú joloò mé nùàr sé naâ nùà dilí beè Càn mé njéh ñaá, Músi nùà njèh lé naá gi ter nyagá kwaá, ye: Nuaá mé né sóú mé gùm mene jolo komo dónj, yònj kwa nde né kóó ma.

⁶ Sâ, ceér dé temé kwaá njií, te nùàr ña nùà dilí beè Càn mé njéh né seér hiín ndɔ, à dé seèn ye: «Té mé feh yeè túé ye: Neì ñaá nde né ké te vulúu kóó wa?» Sâ tueé né ye: Neì ñaá nde né ké te vulúu kóó, te à yila njií Kristò ká doó wa?

⁷ Té túé ndɔ, ye: «Neì suaga nde né ké dòu ka tàbè kóó wa?» Sâ tueé né ye: Neì suaga nde né ké dòu kóó, te yilá wellê bú ndɔ wa? Té ménâ túé ndóg.

⁸ Càn né seér tueé ye, ngòr nyí né kwarè yee sâ, né sònò yeè, né te temé yeè ndɔ. Ngòr sâ né felè temé kwaá njií. Béh bò nùàr hèn tueé yeé cí.

⁹ Mɔ wò né toò bò nùàr mé sòn yeè tueé, ye Yeésò né Nùà Dueè kɔ́, wò kwaá njií temé teèn ye Càn lé naâ bú te cio komo sòm ndɔ, sâ wò yili yuo aá kèn.

¹⁰ Mɔ béh baá temé yoòr Yeésò ménâ kwaá njií, Càn nde né béh bò didilí bò beè seèn yilá. Mɔ béh né mé sòn beèh gwaán, ye Yeésò né Nùà Dueè kɔ́, sâ Càn nde né béh yili sòm.

¹¹ Ngòr Càn né môn tueé ndɔ, ye: «Nuaá mé né temé yoòr seèn kwaá njií dɔ́n lòu pó lè ndé ngwéh.»

¹² Mɔ né mân, sâ lètenè bò Juf mé bòó mé Juf sam, gwèn teèn sam cuú; bó baá lom dɔ́n mé Nùà Dueè cên. Bòó mé né bú yueé fɔ́n dɔ́n, à né gi bó bagaà bóó laré.

¹³ Né te mvù Cànɛ môn nyagá den, ye: «Nuaá mé nde né Nùà Dueè yueé fɔ́n dɔ́n nde né yili yuo.»

¹⁴ Á, bò nùàr bú yueé yilá keéh nde né he, mɔ bó temé yoòr seèn kwá ní ngwéh wa? Bó temé yoòr seèn kwaá njií keéh nde né naàn, mɔ bó née ngúngwéeh ye wa? Bó ngweé keéh nde né he, mɔ nuaré déi seèn ndé ngwéh bó tueé wa?

¹⁵ Á, neì tueé nde né bó kɔ́, mɔ bó nuaré déi ké teèn témá ní ngwéh wa? Né cu te mvù Cànɛ nyagá den ye: «Bó baá mé gò Njàgà Bagaà! Keé bèh huòm nê!»

¹⁶ Mé njéh mene, bò nùàr Njàgà Bagaà sâ dɔ́n gwàn làrè ngwéh. Esáyà *sòn-Càn lo naâ mân

tueé ndɔ, ye: «Nùà Dueè, nèi seèn kwaá njií né-re temé te ngòr beèh kɔ́?»

¹⁷ Mɔ né mân, bí kɔ́ ye, kɔ bó ngweé logó ngòr, te bó gwaán ye. Mè ngòr sâ jue né kùr Kristò.

¹⁸ Njií ye mè a, bíé bí lòù: Hèn bó née ka ngòr sâ ngúngwéeh á? Hêceè, bó ngweé gi aá kèn! Te mvù Cànɛ né bèsonè nyagá den, ye:

«Hueh bò tebê bò ngulí sie aá *wón beè;

bò ngòr bɔ̀n ngulí nde gi aá

bèh mé tàbè bò vulú né teèn kwaré dɔ́n.»

¹⁹ Mɔ né ménâ, kwá mè jògò bie cu déi ye: Hèn bò Iserálà bò lé kaà ngwé kó ná ngwèh á? Mè tueé bí, Músi lo naá gií bó tueé, ye:

«Cànɛ ye: nyí bɔ́ nde né mé be,

te bí bar seér bò kurú lòù.

Nyí nde né bí soób,

te temé ñaâ bí mé bò kùlù bò ñaà.»

²⁰ Esáyà salé sɔm cuù dé seèn ndɔ, ye:

«Cànɛ ye: Bòó mé lo ceér nyí fón ná ngwèh dɔ́n ñene seér cu né nyí kɔ́.

Nyí ñené yuo kela seér cuù né

toò bɔ́ mé nyí bíé bèh.»

²¹ Dé bò Iserálà bò, Cànɛ den cuù ye:

«Cieé dɔ́n nyí né bó mé be ci yilá kuú,

kàmbér la né bò dúagá-tie bò, mé bò taâb bò nyí.»

11

*Cànɛ njolo mé *Iserálà cì ngwéh*

10:18 10:18 Ps. 19:4 **10:19 10:19** Deut. 32:21 **10:20 10:20**
 Es. 65:1 **10:21 10:21** Es. 65:2

¹ Kwá mè jògò bie ke ndo ye: sâ Càn sòm si njií aá bò nùàr seèn Iseràlà doó wa? Dé sâ, tí ndôg! Mè mé feh mò, mè né nùà Iseràlà sâ, mè né te gèh Benjamên, ndùté ndùtù Abrahâm.

² Càn bò nùàr seèn sòm si ñgwéh, à lé ké bèh duóm ñene ko logó naâ bó, bó né bò dé seèn. Ngweéh njií mé bó nyagá kwaá né felè *Elí te mvù Cànje doô, bí né gi kóó wa? À lé naâ ju bò Iseràlà bò toò Càn nde, ye Càn a:

³ «Nùà Dueè, bó wula sòm gi aá bò sòn yeè, bó tulú komó sòm gi aá bò ko *sèmè yeè kèn, mè tene le aá mé huún; bó né cu ceér fón, te bó wula cu mè ndo.»

⁴ À yeé tueé gi aá mân, Càn lé ye bú a naàn wa? Ngweéh Càn lé ye bú a: «Wò mé huún sam mà.» Ye bú a, bò nùàr nyí kám téhbeh né teèn, bó toò Bahâl cècàn mbaâ cémmé bèh ma.

⁵ Mè tueé bí, kènê né cu faá bèh ménâ; bònjé dé Càn lètenè bò Iseràlà bò née le ye; Càn lé bò sâ bò balé kwaá naâ mé húóm-temé seèn;

⁶ lé naâ dé lòù, dèn ñgwéh mé seé bòn. Mo sé né mé seé bòn, sâ húóm-temé Càn doô sé húóm-temé dé gècên ñá ná cù.

⁷ Sâ ye naàn wee? Sâ ye, njií mé bò huaán Iseràlà lé naâ fón sâ, bó lé kwà ná ñgwéh, ye bòó mé Càn lé balé sóóm naâ lètenè bòn sâ lé kwa cegé naâ kóó; bò déi dé bòn lé taré seér naâ feh lòù.

⁸ Né te mvù Cànje môn nyagá den ndo, ye: «Càn lé naâ bó temé lè bóó kuú sòm, te wa mene hên,

bó mé njolo ñéné cú, bó mé tie ñgwé cú ndo.»

⁹ *Davíd né cu felè bɔ̀ɔ̀n ménâ tueé ye:

«Bò kùrmò bɔ̀ɔ̀n a, bíe cú bó kɔ́ɔ́;

bú a, siè bó tuagà,

te bó ñene gèr beè Càn mé ñjéh fî.

¹⁰ Njolo bɔ̀ɔ̀n a, yílí sér lòù,

te bó ñjéh ñéné cú.

Càn a, siè gú kwá dèn bó ñgògò beè môn;

bú a, té be dù.»

¹¹ Kwá mè jògò bie cuù bieè ndo, ye: Bò *Jûf yeé ceén aá môn, bó lé naâ toò die nyoló kelá ndeé á? Môn sam ndo! Bó yeé ceén aá ménâ, Càn nde seér bò hiîn bò yili som, te furú seér bò Jûf mé bò sâ bò lòù.

¹² Mɔ̀ hèn bò Jûf lé ceén naâ, te Càn bɔ́ɔ́ seér bò nùàr wónj dɔ́ɔ́j bagaà mé ñjéh, bó yeé die, Càn dà̀m nùàr wónj dɔ́ɔ́j kulu gi mé ñjéh, sâ mɔ̀ dà̀m bò Jûf cu cu giì te ceér Cànɛ, dé sâ den weéh nde né naàn wa? Mè tueé bí, Càn nde né dà̀m gèh nùàr kulú samé gií mé ñjéh.

*Pól tueé ñjii né mé bòó mé *Jûf sam*

¹³ Bí bòó mé Jûf sam, mè kènê tueé ñjii né mé bí, ye bí a: mè né mbò̀j tebê Càn; à mè dé mò tema ñjii né ké lètenè bòó mé Jûf sam. Yeé baá ménâ, mè sie nyegé seé mò mé vógó-temé mene ndo!

¹⁴ Mè né ndèm kwaá ye mè nde né bòó mé béh bó né mé gèh cên jilí; mɔ̀ huer baá bó mé bòó mé Jûf sam ñgwa, te Càn yili som bò déi lètenè bɔ̀ɔ̀n;

¹⁵ wanóŋ Càŋ yeé sòm si njií aá bò Jûf gè jomo, bô *wónŋ nde ye huóòm doô nɔ. Á sâ, mo Càŋ ndeè weh gi cu aá bó, dé sâ ndeè den weéh nde né naàn wa? Mè tueé bí, sâ baá cu ye-re dé mé bò komó teèn kwa bilí cu nde né mé yònŋ mene.

¹⁶ Mo jèrè* baá gi beè Càŋ, sâ bí kóo ye, kukunŋ né dé seèn ndɔ. Mo jɔgɔb toú né gi beè Càŋ, sâ mé béh mene doóŋ né gi beè seèn ndɔ.

¹⁷ Bò huaán *Iserála den né faá tou mé fei yeé kómó, mé bó dobo kwaá né ká lo nɔ. Bò mé *Jûf sam dé boòn né faá tou kómô dé ké ya dueè. Bó yeé dobo gi aá dé loô kèn, bó ɲɔb sòm béh déi teèn, bó ɲɔb wellê dé ké ya dueè, bó nyɔgó yií keéh te bèh sâ. Né kèi cén mé wò ndɔ. Wò mene nua Jûf sam, wò njua dom keéh né felè nua mé né Jûf. Jɔgɔb yeé baá tou hèllè koó, à koó bilí baá-re mé wò mene.

¹⁸ Mo né mân, sâ wò té béh tou mé bó lé naâ ɲɔb sòm doô sèb ndɔ. Té mbaá púnó kú, wò jɔgɔb kóo kwá ɲgwéh, jɔgɔb kwaá seér né wò kóo.

¹⁹ Merré déi wò nde né tueé ye: bó lé naâ béh déi ɲɔb sòm, bó nyɔgó keéh nyí.

²⁰ Né gi môn dág; ñhèh cén, bó lé seér temé mé Càŋ kwá njí ná ɲgwêh, Càŋ lé bó werré soóm naâ dé cí. Wò yeé baá dé yeè temé yoòr Càŋ kwaá njií, bó wò te bèh denè boòne nyɔgó yií keéh né dé cí. Mo né mân, sâ té feh mbaá hám kú! Léb sér lòu.

²¹ Wanóŋ bò Jûf mé né bò béh tou dé jéjég kóo, mo wò ke, Càŋ bó kwá lo ɲgwéh. Sâ júée,

* **11:16 11:16** Waà né feh; dé jomò baá ndeè.

mɔ né nyí, à tàŋ só ndé ηgwéh gùm dɔɔŋ.

²² Mè tueé wò, yíé kwàgà mé húóm-temé Càn, wò yieé cu kwàgà mé jéla-temé seèn ndɔ: mɔ ηaá baá bú felè bɔ́ mé né tie te ceér seène duagá, à né yeé bó seé faá cí nɔ weh. Dé yeè môn sam; à né seér felè yeè nùà húóm-temê. Njèh cén, kɔ wò né beè seèn pɔŋ ndɔ, sâ ye; wanɔɔŋ à wò ηɔb sɔm cu aá kèn.

²³ Mɔ bò Jûf mé lé naâ temé duagá doô kweéh seér cu temé, sâ Càn nde né bó te ndilí nyɔgɔ njií cuú. Mè tueé wò, à né mé terreb mé à nde né bó te ndilí nyɔgɔ gií cuú.

²⁴ Wò dé yeè nùà Jûf sam, wò né seér béh dé ya dueè, bó lé wò ηɔb tena weéh naâ lòu, bó nyɔgɔ njií te ndilí dé ká lɔ. Mɔ né mân, sé tagá bò Jûf mé né béh nùà njèh wa? Mè tueé wò, dé bɔ̀n dé nyɔgɔ sɔ́ sam nde cuú, bó tɔ́ lom nde aá lòu.

*Càn baá bò *Jûf ceér temé kweéh seér feh*

²⁵ Bò nùàr mò, mè bí hèn feh keéh né njií mé lé leér deén naâ lòu, te bí feh bií faá bò kɔ̀gòn bò nɔ wèh kwá cú. Sâ tueé né ye: bò huaán *Iserála kèb déi mene temé yoòr Càn kwá ní ηgwéh, bó né mene tie duagá, mé njèh mene, bó nde né temé kweéh seér. Kɔ̀ bɔ̀n bɔ́ mé Jûf sam ndeè kweéh seér gi aá temé, te bò Jûf kweéh seér ye ndɔ.

²⁶ Mɔ gi aá, te dà m bò Jûf yili yuo ye, faá né te mvù Cànɛ nyagá den nɔ, ye:
«Nuaá mé nde né bò nùàr yili sɔm,
ndeè yuo nde né ké Siyôn,†

11:26 11:26 Es. 59:20 † **11:26 11:26** Siyôn né yilí Jerúsalem déi (1 Chr. 11:4-5).

à fɔ sɔm bò ndùté ndùtù Jakôb veên yoòr.

²⁷ «Cu mé nyí nde né bó veên yoòr kulú sɔm, ñgòñ nyí nde né cí.»

²⁸ Lòu sam, Càñ lo naâ bó balé weh. Bó né mene tañ, Càñ bó gwaán keéh né felè bò tele boòn léi jògò. Wanoón te Njàgà Bagaà bó né bò bònò Càñ bò kela. Mo né ménâ, te gam seér bí ndo.

²⁹ Bí kóo ye, mo Càñ balé weh baá nuaré déi, à kulu bú, sâ gi aá kèn, Càñ sòn kwéh sér ndé cú.

³⁰ Léi toò bí bòó mé Juf sam doón lé naá gi sòn Càñ ñgeén. Kènê bò Juf yeé baá sòn seèn ménâ ñgeén, à jere ko seér cu aá bí.

³¹ Né cu mé bó ménâ ndo; bó yeé ñgeén aá sòn Càñ, à bí bagaà hèn boó seér né lè sòn boòne, te bó ñene ménâ, bó kweéh seér temé, à ko cu bó jere môn ndo.

³² Sâ tueé né ye, bí bó doón naá gi sòn Càñ ñgeén, te seé biì sie nyegé bí be bagasé, à ko ye bí jere.

Kùsèm Càñ Dueè

³³ Njua Càñ né felè beèh yaámsé mân! Kógòn seèn dé tueê sam, à né gi ñjèh doón kóó laré! Neì se komo nde né kàgà-ndòn Càñ kóó wa? Njií mé Càñ nyegé kwaá né ter, neì ñgweé komo nde né kóó ndo wa?

³⁴ Né te mvù Càñe môn nyagá den ndo, ye: «Neì ko né mùnò Nùà Dueè kóó wa? Neì leéb komo nde né bú ndéb kóó ndo wa?

³⁵ Neì lé Càñ ñjèh haá logó naâ kóó, te Càñ nde ye bú sòn sâ haá cuú wa?»

³⁶ Bí kóó ye, njèh dɔ́ɔ́ naá giì beè Càṅ, à bó koó gi né kóó, dɔ́ɔ́ né gi dé seèn. Kùsèm, terreb Càṅ a, sùmù yùò kélà cie dé kèi cèn. È môn!

12

Dene nùà seê Càṅ

¹ Mɔ Càṅ né béh jere faá bèh mân kóó, sâ kúkùr bìi bò nùàr mò, keí mé bí née mé njolo hèn, bí mé Càṅ há njí jí gùm bìi dɔ́ɔ́ faá njèh *sèmè toò seèn nɔ. Ceér Càṅ duaà dé bagaà né cí, né bú yoòr huóóm.

² Bí té gule wɔ́ɔ́ bèlè, bí bèlè sér gule dé Càṅ, te à kweéh seér gùm bìi, mé lo bìi mene, bí ṅgwéé komo ye njíí mé à né gwaán ndɔ! Sâ tueé né ye, à gwaán né bò njèh dé bebagaà mé né ṅagásé tâṅ, mé né lom bú yoòr huóóm dé gècèn.

³ Mè baá te fùgò Càṅe, mè bí dɔ́ɔ́ hèn tueé keéh né dé cí, ye bí a, té mé feh bìi púnó kélá. Sòn sâ, bí ṅéné kó sér bèh denè bìi dé jéjêg. Temé mé nùà kàn né yoòr Càṅ kwaá njíi dɔ́ɔ́, bú a, ṅéné kó terreb sâ ṅenè.

⁴ Bí kóó ye, nùàr né mé gà yoòr hihiné mé seé teèn hihiné ndɔ.

⁵ Né cu mé bò Yeésò bò ménâ: béh maga mene naàn, béh né lom gùm nùàr cén, béh nyɔ́gɔ́ bilí né yoòr *Kristò. Sâ béh bò mbeí beèh nyɔ́gɔ́ bilí né dɔ́ɔ́ ndɔ, béh den né faá bò gà hihiné nyɔ́gɔ́ bilí né yoòr nɔ, te bó me sɔm gùm nùàr cén.

⁶ Béh né gi mé gà seê hihiné yoòr; Càṅ nùà kàn haá né dé lòu ndɔ. Mɔ lètenè beèh Càṅ nuaré déi

haá né sòn seèn tueê, bú a, ñéné kó temé mé à né yoòr Càṅ kwaá njií, à yila tueê.

⁷ Mɔ Càṅ haá né wò lo dé bò déi gaàm, sâ gàm bó gaàm, né seé yeè. Mɔ dé nuaré déi né ñhèh feèh, bú a, fèfeèh, né seé seèn.

⁸ Nuaá mé Càṅ dé seèn haá né bú lo dé nùàr sɔgô, bú a, fágá feh, né seé seèn. Mɔ dé yeè né be haâ, sâ há lòm bú mé be fà. Mɔ dé yeé né dé nùàr sie nyegê, siè nyégé bó mé temé yeè mene. Mɔ dé yeè né dé bò jámè bò gaàm, gàm lòm bó mé vógó-temé mene.

⁹ Bí gwàn lòm nùàr mé temé cén, bí nyénné veèn nyennè, bí gwàn sér bagaà.

¹⁰ Bí gwàn kú lètenè biì, bí né lètenè biì veéh kuú ndɔ.

¹¹ Bí dèn lòm bò seé bò, bí té fùòb gwàn. Bí bó lòm seé Nùà Dueè mé terreb mene,

¹² bí né ndèm mé bú kwaá njií, bí né mé bú samé. Bí né gèr yoló, bí né Càṅ cu dɔ́ṅ dua ndɔ.

¹³ Mɔ njeré déi né nuaré déi lètenè biì saám, bí há bú teèn. Mɔ nuaré déi waà lo biì, bí té njolo mé bú cì.

¹⁴ Mɔ bó né bí bunó, bí dùà sér Càṅ felè bòn lòu; bí júee Càṅ a, kúlú sér bò bònò bò biì dé kulû ma, à té bó lòu dúágá.

¹⁵ Mɔ bò nuaré déi baá samé, bí bó sàmè jí dɔ́ṅ. Nuaá mé né yueé, bí bó yúé jí dɔ́ṅ ndɔ.

¹⁶ Bí dèn lòm lètenè biì mé sòn cèn, bí té lòu ṅúgó sér. Nùàr dɔ́ṅ a, yú njolo biì yuù; bí té dèn faá bí kɔgón yɔgó né bò nùàr dɔ́ṅ nɔ.

¹⁷ Nùàr a, té veên mé veên cú. Bí fón sér ceér, te bí bọ́o laré nùàr dọ́ọ́n bagaà.

¹⁸ Mọ́ lónj né teèn, bí lègè lòm faá bí né lege nọ, te bí bọ́o nùàr den gi mé sòn cên.

¹⁹ Bí té mé njùnj kọ́o ndé sér, bọ́o mbeí mò, bí kwá ló Càn nùà njèh sọm njùnj mé feh seèn, faá né te mvù Cànje nyagá den nọ, ye: «Mè njùnj sọm nde né kọ́o. Mọ́ nuaré déi né wò veên bọ́o, mè bú sòn sá bọ́o sọm cu nde né kọ́o ndọ, jueè mè Càn Dueè.»

²⁰ Né cu te mvù Cànje beré déi nyagá den, ye: «Mọ́ cùè né nùà bụnọ yeè sie, há bú yáb teèn; mọ́ à né mé nyúá, há bú njèh ñueè teèn ndọ; te à ñene méná, fegùli bọ́gọ́ bú faá we nọ, à kweéh seér temé.»

²¹ Té gwàn mé veên yọ́gọ́ wò, yọ́gọ́ sér veên kọ́o, bó yọ́gọ́ bú mé bagaà.

13

Sòn ñgómna ñgweè

¹ Nùàr kàn a, ñgwé sòn bọ́o ñgómna ñgweè; bó dọ́ọ́n, bó né gi beè Càn, à bó terreba haá né kọ́o, bó mé feh bọ́on cèr ñgwéh.

² Sâ mọ́ wò né feh mé bó taré, sâ wò ñgen né sòn Càn nùà njèh. Lòu sam, à lé naá gi bó nyegé kwaá. Mọ́ né mân, sâ bọ́o mé né feh toò bọ́o ñgómna taré dọ́ọ́n né ju yoòr bọ́on mé be bọ́on turú su.

³ Bí kọ́o ye, nuaá mé né gècên bọ́o, dé seèn ñgómna lòu vèh bèh; nùà veèn bú veéh yeé kọ́o.

Mɔ wò ye te nyí bò kokoô bò dùlà cú, sâ bó lòm bò njèh bebagaà, te bó seén wò mé njéh.

⁴ Seé mé bó né bɔ́ sâ, Càṅ bó haá naá kɔ́, te bó gam wò, wò bɔ́ komo bagaà. Á, mɔ wò né yeé veên bɔ́, sâ vèh bó veèh bòn! Mɔ sam, bó nde né wò gèr feh keéh, terreb né beè bòn. Bó né bò seé bò Càṅ. Mɔ nuaré déi bɔ́ veên, bó nde né bú gèr fí feh keéh. Càṅ ye te bò nùàr ɲene kɔ yúlá-temé nyí teèn.

⁵ Sâ tueé né ye, mɔ wò né toò bò ɲómnà leéb, né njèh bagaà dé gécên. Dé yúlá-temé Càṅ gí lòm ɲweh ndɔ; né cu te ndòn bí lè sé cú.

⁶ Bí làmpôn gwom yeé dé cí. Bò seé bò mé né làmpôn weh sâ, né gí bò seé bò Càṅ ndɔ, à ye te bó bɔ́ dilí nyegé lòù.

⁷ Njí mé nùà kàn né bí bieé dɔ́, bí gwòm gí bó faá bí sé naá kaà gwom nɔ; bí gwòm ní làmpôn mé bò làmpôn bò, dé kóstòn mé bò kóstòn ndɔ. Nuaá mé bí sé naá bú veéh dɔ́, bí vèh bú veèh; bí *sumú nuaá mé bí sé naá bú sumú ndɔ.

Bò mbaábi gwaân

⁸ Bí té mé hùà nùàr yoòr ɲágá dèn; yoòr bìi a, ɲágá dèn sér hùà lètenè bìi gwaán kuû. Nuaá mé né mbeí mé temé cén gwaán dɔ́, bɔ́ komo né dé seèn njí mé *sóú Càṅ tueé nê.

⁹ Mè tueé bí, bèh joloò Càṅ mé né tueé ye: té yàgà ndé, té feh wúlá, té yíb ɲúób, té temé te njèh nùàre kwá ní, mé bò sóú dé jomò mene

ḁóḁḁ, yila gi né te meí ḁòḁn cén hên, à tueé lom né dé seèn ye: gwàn mbeí yeè faá wò gwaán né ḁḁḁḁ yoòr yeè ḁó.

¹⁰ Mḁ nùàr né mé gwaán lè, à veên mé mbeí bó ḁjí ndé ḁḁwéh. Mḁ wò né bò mbaábi mé temé yeè mene gwaán, sâ wò bele lom né dé yeè sóú gùḁ ḁóḁḁ.

Dene kôḁ

¹¹ Bí né ḁóḁ ye, baá cu. Mḁ né mân, bí nyimè ðèn làn, hên baá giì cu mé Cḁḁ ḁde né béh teèn yili sḁm. ðè wá ndé cú faá dé léí toò mé béh lé temé kwaá loḁó naâ yoòr Yeésò *Kristò ḁó.

¹² Cibí geé baá kèn, cieé baá gè jomo ḁo ḁḁḁ ḁḁó. Béh kwá ló seé cibítenè ménâ, béh yí wèh sér bò ḁḁḁ taâb mé béh ḁde né taâb mé ḁḁḁ suútenè lieé.

¹³ Béh gò ðilì lòm faá bòó mé go né bèh ḁḁḁ ḁó. Béh té *wóḁḁ sèlà, béh té mbè sèlà, béh té sár gwá, béh té ḁḁḁḁḁ, béh té ḁḁḁ ḁḁ, béh té huer ḁḁwà ḁḁó.

¹⁴ Bí yoòr sù sér á yòḁ dé feé mé Fehtoò beèh Yeésò Kristò. ḁḁḁ mé ḁḁḁḁ yoòr bìì né gwaán ḁóḁḁ, bí té teèn téré yílá cú.

14

Nùàr té mbeí bò

¹ Mḁ nuaré ðèi né te ceér Cḁḁe yuaá, bí tá bú taà, bí té bú lòu bò sér.

² Sâ tueé né ye: mḁ nuaré ðèi né mé terreb ḁḁḁ ḁóḁḁ yieé larê teèn, mbeí né dé seèn te ceér Cḁḁe yuaá, à dé seèn yieé lom né yuè,

³ sâ nuaá mé yieé laré né doón a, té mbeí mé yieé geí né lòu doô sèb. Dé mé yieé geí né lòu a, té dé mé yieé njií né mbaá doô ndúgó ndo; à né beè Càṅ.

⁴ Wò né neì, mé né ju felè nùà seê nùàr tená go wa? À boó mene bagaà, né mene veên, doón né lom ju tele seê seên. Mè tueé wò, nùà hèllè nde né bagaà boó komo; Nùà Dueè né mé terreb teên, à nde né bú taá.

⁵ Bò nuaré déi ye: bò cieé déi né bò mbeí yogo. Sâ bò déi né dé boón tueé ye: cieé doón né gi kèi cén. Mo né mân, sâ nùà kàn a, njéba nyégé te mùnò seên bagasé.

⁶ Nuaá mé ye cieé déi né bò mbeí yogo doô, cieé sâ jolo né ye te seên Nùà Dueè. Nuaá mé né njèh doón yieé laré doô, mé njèh seên taré né Nùà Dueè ndo. Mo à nde aá yieé, à né yeé Càṅ vra, faá dé mé yieé geí né lòu vra yeé Càṅ, à né Càṅ seên ndo no.

⁷ Á sâ, nuaré déi den lom né dene dé seên nùà njèh wa? À cio kuú lom né dé seên nùà njèh ndo wa?

⁸ Mè tueé bí, mo béh né yon, béh yon né dé Nùà Dueè; mo béh né kuú, béh kuú né dé Nùà Dueè ndo. Mo né mân, sâ béh yili mene lòu, béh kuú mene, doón béh né gi beè Nùà Dueè.

⁹ Kristò lé kuú naâ dé cí, à komo yuo cu lè cio, ye te nyí den Nùà Dueè bò komô mé bò lèlàn bò.

¹⁰ Sâ, mo né mân, wò mbeí yeé jue né dé kèi wa? Á, wò ndo no, wò nùàr seb né dé kèi ndo

wa? Ngweéh béh nde gi né ké toò Càn waá, à tena ju felè beèh dɔ́ɔ́n mà.

¹¹ Né gi te mvù Cànɛ nyagá den, ye:

«Càn Dueè ye: Kwá nɔ́ɔ́n, mɔ Càn gècèn né lom nyí,

nùàr dɔ́ɔ́n nde gi né toò nyí cemmé.

Nùà kàn nde né lòu sâ ké ter mé sòn seèn logó njí,

ye nyí Càn né lom Nùà terrèb kɔ́ɔ́.»

¹² Á sâ, nùà kàn a, njéba tég, à nde né sòn seèn mé be seèn toò Càn tueé.

Nùàr jueê

¹³ Mɔ né mân, sâ béh gè mé nùàr jueê lètenè beèh geè, béh gwàn sér bò mbeí beèh lòu. Njí mé nde né mbeí beèh te veèn luú njí, béh té gwàn.

¹⁴ Bèh Yeésò Fehtoò beèh nyɔ́gɔ́ bilí baá kèn. Kènê mè baá gi kɔ́ɔ́, ye yáb nùàr kɔ́ɔ́ bó yíli bèh. Á, mɔ nuaré déi né munó ye, nyí nde né mé njéh fulá kuú, sâ né ka beè seèn fulásé ménâ ndɔ́.

¹⁵ Mɔ wò né mbeí yeè temé mé yáb déi yieé yulá, sâ kɔ́ɔ́ ye nyí bú lòu gwàn sér ngwéh. Té bú teèn bó lèr kéh, né lom yáb mbaá; *Kristò lé naá gí felè mbeí yeè sâ kuú!

¹⁶ Bí té gwàn dé njí mé né beè bìi huɔ́ɔ́m, ɲa seér njèh júèb beè bò déi.

¹⁷ *Lò Càn dé seèn mé yáb bò mbè dògò dèn ngwéh; né seér mé dene didilí bò pón mé vógó-temé, faá Cúcuí Ɗagâ haá nê nɔ́.

18 Nuaá mé né seé Kristò gèh dé hên bɔ́ɔ́ dɔ́ɔ́ɔ́, né lom nùà bagaà beè Càn mé njolò bò nùàr mene.

19 Mɔ́ né mân ndɔ́, sâ béh fón nyégé ceér mé còɔ́ nde né teèn yuo, te béh bò mbeí beèh ta kuú te ceér Cànɛ.

20 Nùàr a, té seé Càn mé yáb túlú ñèrrè sòm. Dé yáb dɔ́ɔ́ɔ́ yieé larê né gi môn dág. Njèh cén, njií mé nde né mbeí te veéne luú njií, húóm ñgwéh mé nùàr yieé njií sâ.

21 Huóm kela né mé nùàr núógó yíé ñgwéh, à mbè ñúé ñgwéh. Bú a, bèròɔ́ gi bò njií mé nde né mbeí te veéne luú njií dɔ́ɔ́ɔ́ ndɔ́.

22 Sâ njií mé wò naâ lè yeè ñgwéé nyegé doò, kwá ló lè yeè bì Càn fà. Mè tueé bí, nuaá mé né kɔ́ɔ́ ye nyí bɔ́ɔ́ yíí né teèn, samésé nde né bú.

23 Nuaá mé né njeré déi lòu yieé kiné, baá te ju beè Càn ndɔ́. Lòu sam, ndòn seèn né mene bú tueé, à teèn jéjég ñjéba dilli ñgwéh. Mè tueé bí, mɔ́ nuaré déi né njií sâ kɔ́ɔ́, mé njéh mene à né ka teèn ñeí den, sâ né veên.

15

*Gule Yeésò *Kristò beleè*

1 Béh bòɔ́ mé baá gi te ceér Càn tarésé dɔ́ɔ́ɔ́, mɔ́ béh ye te huóm, béh gàm sér bò yuyuaâ bò lòu. Béh té faá béh né gwaán nɔ́ bó.

2 Nùà kàn a, bó sér njií mé nde né mbeí yoòr huóm, te gam mbeí, mbeí bele ceér Càn mé temé seèn mene.

³ Te den faá Yeésò Kristò lé bɔ́ naâ nɔ; à lé dé seèn dé mé à gwaán né kɔ́ bɔ́ ná ngwêh. À lé bɔ́ seér naâ faá né felè seèn te mvù Càŋe nyagá den nɔ, ye: «Séb mé bɔ́ lé selé naâ wò doô, sue le seér aá felè mò.»

⁴ Bò njií mé né gi te mvù Càŋe nyagá den doón, bɔ́ lé nyagá kwaá naâ léi toò, ye te béh ndeè maán weh njèh teèn, yo taré béh tarè, béh kwaá sèŋ. Sâ doón ye te béh ndèm kwaá njií gi mé Càŋ.

⁵ Bú Càŋ nuaá mé sèŋ bô táre-yo yuo gi né beè seèn doô, bú a, há bí terreb, te bí bele gule Yeésò Kristò, bí den lètenè bìi mé sòn cên,

⁶ te bí seén gi Càŋ Tele Fehtoò beèh Yeésò Kristò mé sòn cên doón ndɔ.

Njàgà Bagaà dé bò nùàr doón

⁷ Mɔ né mân, sâ bí bò mbeí bìi kè nyégé kú yo bìi lètenè bìi faá Yeésò Kristò lé ke nyégé naâ bí nɔ, te bò nùàr ñene ménâ, bɔ́ seén Càŋ mé njéh.

⁸ Mè tueé bí, Yeésò Kristò lé nùà seê bò Jûf ña kuú naâ, ye te yuo faá Càŋ lé tueé kwaá naâ mé bò tele beèh léi jògò nɔ, te nyí feh keéh béh teèn, ye béh a, Càŋ nyeén túé bèh ma.

⁹ À lé déi nde cuù naâ, ye te bòó mé Jûf sam ñene kó-jere Càŋ felè bɔ̀n, bɔ́ seén bú mé njéh. Né te mvù Càŋe ménâ nyagá den, ye:

«Mè wò lètenè bòó mé Jûf sam hèn seén gɔ nde né dé cî; mè nde né yilí yeè mé bené seén.»

¹⁰ Te mvù Càŋe né cu nyagá den ndɔ, ye:

«Bí bòó mé Jûf sam ðóṅ sàmè jí ménâ ndo,
bí yílá ndé jí te mbàgà Cànḡe.»

¹¹ Né cu beré déi tueé ye:

«Bí bòó mé Jûf sam ðóṅ, bí sén làrè Cànḡ Dueè
seèn.

Dàm nùàr a, sén làrè bú lò nùàr ðóṅ!»

¹² Esáyà *sòn-Cànḡ tueé né môn ndo, ye:

«Ndùté ndùtù Jésè* baá ndeê,
à Nùà Dueè felè lò nùàr ðóṅ den nde né kóó,
bòó mé Jûf sam ndèm kwaá njií gi nde né yoòr
seèn.»

¹³ Cànḡ mé haá yeé ndèm a, há bí dàm vógó-temé
mé ðólê, njua mé bí né temé yoòr seèn kwaá njií,
te bí kwaá ḡeí cu ndèm mé terreḡ Cúcuí Ḥagâ
lòu.

Pôl né mé terreḡ beè Cànḡ

¹⁴ Bò nùàr mò, mè né bagasé kóó nyegé, ye bí
né jí bò húóm-temé bò, bí né ceér gècên ḡené
kóó, bí né jí mé terreḡ ndéb lètenè bìi leéb kuú
teèn.

¹⁵ Mé ḡjèh mene, te bò beré déi lè mvù hên mè
la naâ bí lòu nyagâ turú, te bí nyèn cú. Lòu sam,
mè né mé fùgò beè Cànḡ kuú,

¹⁶ à lé ye mè a, mè né nùà seê Yeésò Kristò ké
lètenè bòó mé Jûf sam ma. À lé naâ mè Ḥagâ
Bagaà seèn beè jege haá, ye mè a, ndé ké lètenè
bòṅn tueé den, te bó ḡa jí ḡjèh *sèmè mé né nyí
yoòr huóm, te Cúcuí Ḥagâ haá bó terreḡ, bó den
lom beè nyí jolosé ma.

15:11 15:11 Ps. 117:1 **15:12 15:12** Es. 11:10 * **15:12 15:12**
Jésè né yílá tele mgbè Davíd.

¹⁷ Yeé baá mân, njií ye mè a, sàgàr kú lòm mé seé Càṅ dé sagâr ndɔ. Sâ dɔɔŋ né gi mé njua Yeésò Kristò.

¹⁸ Mɔ mè nde né sòn komo, sâ kɔ mè jue cegé né seé mé Kristò né beè mò bɔɔ keéh hên; mè né bɔɔ mé Juf sam ceér Càṅ feh, te bɔ ṅweé sòn seèn. Kristò né ṅòr sònò mò tueé keéh, à né seé beè mò bɔɔ keéh:

¹⁹ bò fém, mé bò ciè hihiné mé terreb Cúcuí Njagà mene né gi teèn ṅené yuo kelá.

Mè lé terreb kwaá naâ faá bèh sâ, te mè nde ye mé Njagà Bagaà felè Kristò bèh dɔɔŋ tueé ndeé. Mè lé tueé duɔóm naâ ké Jerúsalem, nde wa mé lò Ilírí.

²⁰ Mè Njagà Bagaà sâ tueé lom yeé bèh mé yilí Yeésò Kristò née teèn ṅúlí wá ṅwééh ye, mè ye te mè gwà déi felè maàṅ nuaré déi mé yí cú.

²¹ Te den faá né te mvù Càṅe nyagá den ndɔ nɔ, ye:

«Bòó mé bɔ née bɔ njeré déi túé ṅwééh ye nde né bú ṅené;
bòó mé née ju seèn ṅúṅwééh ye nde né ṅweé gií ndɔ.»

Gò Pól ké Rôm

²² Sâ né njií mé lé naâ mè cu dɔɔŋ yiín; mè gwaán né mene ké yoòr bìi ndeê, mè wá kòmò ṅwéh.

²³ Kènê mè seé te tàbè hên bɔɔ gi aá kèn; mè nde né bí yon ke. Baá nyèmà kóbeè mè né gò sâ kaga den.

²⁴ Kɔ mè baá mé gò Espânye, mè kela ye ké yoòr biì ndɔ. Mè gwaán né bí ñenê, te béh bí cer weh ndɔ, mè kwa gàm beè biì, mè kela nde ye ké Espânye sâ.

²⁵ Njèh cén, mè jògò nde née ké Jerúsalem ye, te mè haá njií bò Yeésò bò ké sâ gàm.

²⁶ Lòu sam, bò Yeésò bò ké Masedínà mé Akayí bilí gi aá kàgàlòn kèn; né lom bó yoòr huɔóm dé gècên, bó ye, há nji mé bò saám bò ké Jerúsalem lètenè bò Yeésò bò.

²⁷ Lé naâ mé kàgà-ndòn bɔ̀n ndɔ; sé né ka môn bòn. Ngweéh bò Jûf mé né ceér Yeésò ké Jerúsalem bele dɔ́n lé naá giì Njàgà Bagaà mé bòó mé Jûf sam se wa? Sâ kènê kɔ̀ bòó mé Jûf sam yíi be teèn, te gam bò Jûf mé bò njèh dé ñgàñ yoòr ndɔ.

²⁸ Mɔ seé hèllè ndeè gi baá, mè haá lo aá bó kàgàlòn sâ, mè wa ye ké yoòr biì, te mè nde ye Espânye kelá ndeé.

²⁹ Mè né kóó ye: mɔ mè ndeè waà baá ké yoòr biì, Yeésò Kristò nde né béh bí kulú nyegé.

³⁰ Bò nùàr mò, mé yilí Fehtoò beèh Yeésò Kristò bô Cúcuí Njàgà mé né gwaân lètenè beèh kaá kwaá, mè né bí bɔ̀n, ye bí dùà gàm mè Càn teèn, bí dua lom bú felà mò tég,

³¹ te mè beè bò dúágá-tie bò ké Judê yílá cú, te mè wa nyegé mé gàm bò Yeésò bò ké Jerúsalem bagasé, bó weh nyegé mé vógó-temé mene ndɔ.

³² Mɔ bí né ménâ dua, mè ndeè né ké yoòr biì mé vógó-temé mene waâ. Mɔ Càn né gwaán, sâ mè nde né ké lètenè biì du weh ndɔ.

33 Á sâ, Càn mé haá yeé nùàr dolê a, kúró nyégé bí đóη. È môn.

16

Bèh nùàr hihiné bie keêh

¹ Bí kè nyégé tie beèh Fébè бага, à né nùà seé Càn te bòn bò Yeésò bò ké Kánkrè.

² Mò à waà, bí wèh lòm bú mé yilí Fehtoò beèh lè; seé bò Càn bò né ménâ. Njií mé né bú yogó đóη, bí gàm bú gaàm. À né lom nùà gàm nùàr dé gècên, à lé naâ mè gam.

³ Bí bíé kék Prisil bô Akilâ бага; né bò mbeí seê mò te seé Yeésò *Kristò.

⁴ Bó lé naâ cio felè mò líim, te bó yili sòm ye mè. Mè né lom bó vra dé gècên; bòn bò Yeésò bò mé Juf sam đóη né taré bó môn vra ndò.

⁵ Bí bíé kék mè bòó mé bilí dua yeé Càn ké gwò bòn ndò. Bí bie keéh mbeí mò Efanête. Ké te tàbè Asià đóη, nuaá mé lé kwaá njií logó naâ temé yoòr Kristò lé naâ bú.

⁶ Bí bíé kék mè Marî, à né lom seé felè bìi mé terre b mene bòó.

⁷ Bí bíé Androníkù bô Juniâ, né bò nùàr mò, béh bó lé ké gwà cibi naâ kóó. Ké lètenè bò mbòn tebê đóη, bò nùàr né lom bó vra dé gècên. Bó lé bò mbòn Yeésò ηa logó naâ kóó mé mè.

⁸ Bí bíé kék mè Àmpliátù, né mbeí mò te yilí Fehtoò beèh.

⁹ Bí bie keéh mè Hùrbên, né mbeí seê beèh te seé Kristò. Bí bie keéh mbeí mò Setákì ndò.

¹⁰ Bí bíé kékè mè Àpelê baga; à lé naâ feh keéh ye né mene te gèr-e, nyí né temé yoòr Kristò kwaá njií. Bí bie keéh mè mbàgà Aristobûl ndò.

¹¹ Bí bíé kékè mè nùàr mò Herodiôn baga. Bòó mé né temé yoòr Fehtoò beèh te mbàgà Nársì kwaá njií doón, bí bíé kékè mè bó teèn.

¹² Bí bie keéh Trifénà bô Tripósà mé né seé Fehtoò beèh temá. Bí bie keéh mbeí beèh Pèrsidà, nuaá mé né seé seèn faá cí nò bôó.

¹³ Bí bíé kékè mè Rúfùs; à né lom te ceér Càn mé gècèn mene njebá taré. Bí bie keéh meí seèn mé né meí mò ndò.

¹⁴ Bí bíé kékè bô Asenkretà bô Felegôn mé Hermê baga; bí bie keéh Pàtróbà bô Harmâ mé bô mbeí boòn ké yoòr boòn baga ndò.

¹⁵ Bí bíé kékè mè Filológà bô Júli mé Néré bô tie seèn baga. Bí bie keéh Holimpâ mé bô Càn bô ké sâ doón.

¹⁶ Bí bíé kú lètenè bìi mé temé cén. Bòn bô Kristò bô doón ye: bíé kékè bí baga doón ndò.

Ndéb dé cèrè jomò

¹⁷ Bò nùàr mò, kúkùr bìi, bí kè kógón nyégé bagasé, wanóón njií mé béh lé feéh naâ bí doón, bô nuaré déi né lom teèn feré ndugó gò, ye te bó yíi kèrrè lètenè bìi, bí sab ceér, bí temé te ngòr beèh kwá njí cú. Mò né mân, bí gè lòm mé ceér boòn noón.

¹⁸ Gèh bô sâ bô seé Fehtoò beèh Kristò bó ngwéh, bó lege seér né dé ngàn lèi boòn! Seé boòn né lom ngòr bebagaà sònò tueé nagâ; bó

né-re ménâ bɔ́, bó né bɔ́ mé bèh njèh kó
ngwéh dɔ́ɔ́n bele go.

¹⁹ Dé bìi môn sam, bò nùàr né gi kɔ́ ye, bí né
dé bìi sòn Nùà Dueè ngweé. Môn, mè né lom
mé vógó-temé felè bìi dé gècên. Njèh cén, mè né
gwaán ye bí den lom bò kógòn bò mé né бага
bɔ́, te bí nyenné komo veên.

²⁰ Mè tueé bí, Càn mé haá yeé dɔ́lê, nde né
toò hên *Sátàn gulè bìi njalé kwaá. Húóm-temé
Fehtoò beèh Yeésò a, ká siè bí beè!

²¹ Mbeí seé mò Timotê ye bíé kéh bí; bó bò nùàr
mò Lùsiûs bô Jásòɔ́ mé Sosipátà ye bíé bí ndɔ́.

²² Né mè Tèrtiù, mè mvù hên nyagá né kɔ́, mè
né bí lí yilí Fehtoò beèh bieé.

²³ Gayûs ye bíé bí; mè cer né ká lo seèn.
Bò Yeésò bò dɔ́ɔ́n bilí yila yeé ká lo seèn ndɔ́.
Herástà mé fer kàgàlòɔ́n bò loó bò dɔ́ɔ́n né beè
seèn ye bíé bí. Dim beèh Kwártù ye bíé bí ndɔ́.

[²⁴ Húóm-temé Fehtoò beèh Yeésò Kristò a, ká
siè gí bí beè dɔ́ɔ́n. È môn!]

Càn seén cerê

²⁵ Béh sèn Càn seèn! Terreb né beè seèn, à nde
né bí te ceér seèn bɔ́ taré. Njàgà Bagaà seèn felè
Yeésò Kristò mé mè né yeé se hên né ménâ tueé
ndɔ́. Càn béh ménâ feh keéh né kɔ́. À lo Njàgà
Bagaà sâ munó nab kwaá naâ ter. Lo naâ sâ wɔ́ɔ́n
né teèn sam ye.

²⁶ Kènê, cu yeé wulu baá, à ñené sɔ́m keéh ye
bú bèsónè mé mvù bò *sòn-Càn bò, te dà̀m bòó

mé Jûf sam doón ɲgweé laré, faá Càɲ ndeèr lé tueé naâ nɔ, te bó kwaá njií temé teèn, bó ɲgweé tie.

²⁷ Béh sén Càɲ seèn. Kógòn doón ceré le né mé bú. Terreɓ seèn a, *sùmù yùò kélà cie dé kèi cèn mé Yeésò Kristò. È môn.

Mvù Ngòŋ Feê
Mambilla NT (Cameroon-Le Nouveau Testament en
mambila)

copyright © 2001 Wycliffe Bible Translators, Inc.

Language: Cameroon Mambila

Contributor: Wycliffe Bible Translators, Inc.

All rights reserved.

2025-05-13

PDF generated using Haiola and XeLaTeX on 13 May 2025 from source
files dated 13 May 2025
f0e8e7ba-c2cf-57f7-9a60-8ff0e792e158